

## Samuelnê Buku Kêtu Luagêcya

Samuelnê Buku Kêtu Luagêcya gêjac têku min, tañ kêsêp buku namataña. Dawid kêtu kiñ ma gêjam gôliñ gamêñ Judaña gêmuy (môkêlatu 1-4) e kêtu lau Israel samob nêñ kiñ (môkêlatu 5-24). Dawid gêjac siñ gêdêñ nê ñacjo gebe êngôm nê gamêñ kiñña esewec. Ênê ñacjo ñamakeñ sêmoa lau Israel ñalêlôm, ñamakeñ sêmoa gamêñ ñamagêña. Buku tonec gêjac miñ Dawidnê siñ tonañ ñabiñ, mago buku tau gêwa Dawidnê biñ ñagêdô sa gêwiñ. Eñ ñac gêdêñ, tañ kêkêñ gêwiñ Anôtô ma gêjam sakini en tonê ñalêlôm samucgen. Nê lau têtac gêwiñ en ma tetoc en sa. Mago buku tonec gêsan Dawidnê biñ, tañ kêlênsôñ to kêkêñ wapac en nañ, auc atom amboac tonanjen Kêsêp ñasawa en têtac ñandan to têtac ñakalac ma ketoc tau sa. Tagen gêdêñ tañ Anôtônê propete Natan kêtôc ênê sec gêdêñ en nañ, en geoc nê keso lasê ma kêsô Apômtaunê mêtôc ñalabu.

Lau Israel sê taên ênê lêñ to kôm ñanô e kêtu ñamu gêdêñ tañ gêñwapac kêkônin êsêac nañ, êsêac sêkêñ maten kiñ ten, tañ êsa anga Dawidnê gôlôacnên ma êtôm en tau. Êsêac taên kêka Dawidnê latu ten.

### *Dawid gêñô Saul gêmac êndu ñawae*

<sup>1</sup> Saul gêmac êndu su ma Dawid kêku lau Amalek tulu. En gêmu gêmên mêngeñoa Siklag bêc luagêc.  
<sup>2</sup> Ma gêdêñ bêc kêtu têtêacña ñac ten mêngeño lasê anga Saulnê siñwaga nêñ tonê ñakwê gêñgic ma kekop gi en môkêapac. Gêdêñ tañ en gêñ lasê gêdêñ

Dawid nan, nac tau gêu tau gêc nom ma ketoc en sa. <sup>3</sup> Dawid kêtû kênac en gebe “Gômôên anga ondoc.” Tec en gêjô ênê biñ gebe “Aê gaêc anga Israelnên sinwaga nêñ, tec gamên.” <sup>4</sup> Ma Dawid kêsôm gêdên en gebe “Biñ amboac ondoc. Ôsômman.” Ma en kêsôm gêdên Dawid gebe “Sinwaga sêc su anga sinmala ma nacjo sêjac taêsam êndu. Saul agêc latu Jonatan sêmac êndu amboac tonanjen.” <sup>5</sup> Go Dawid kêtû kênac nac matak tau, tan kêkôc nawae gêmên nan gebe “Saul agêc Jonatan sêmac êndu nawae kêtap aôm sa nalên amboac ondoc.” <sup>6</sup> Nac matak gêjô ênê biñ gebe “Aê tauc gamoa lôc Gilboa gamoa ma galic Saul gesen gun tau tôñ na nê kêm kêkô ma nacjonên kareta to lau, tan sêngôn hos naô nan, sêkapiñ en sa. <sup>7</sup> Gêdên tan en kêkac tau ôkwi nan, gêlic aê ma gêmôêc aê. Aê gajô en awa gebe ‘Aê tec gamoa.’ <sup>8</sup> En kêtû kênac aê gebe ‘Aôm asa.’ Ma aê gajô en awa gebe ‘Aê nac Amalek ten.’ <sup>9</sup> Go en kêsôm gêdên aê gebe ‘Ômôên ma ônac aê êndu. Matocanô kêtû talô su, tagen matoc jali gamoa.’ <sup>10</sup> Amboac tonan aê katu gasuc en jagajac en tomatên gebe aê kajala gebe en oc êmoa atom. Go aê kakôc sunsun kiñna su anga môkêapac ma joc anga lêmadambê tec kajon gadên aôm, noc apômtau gamên.”

<sup>11</sup> Go Dawid lêma kêsêp nê nakwê ma kêkac gêngic ma lau samob, tan sêmoa sêwiñ en nan, sêgôm amboac tonanjen. <sup>12</sup> Ma sêpuc tanjiboa sa ma têtan to sêjam dabun mo e oc jakêsêp kêtû Saul agêc nê latu Jonatan ma Apômtaunê lau Israel, tan sin gesen êsêc su nan. <sup>13</sup> Ma Dawid kêsôm gêdên nac matak, tan kêkôc nawae gêmên nan gebe “Aôm

anğa ondoc.” Ma enj gêjô enj awa gebe “Njac jaba Amalek tenj latu aê, mago gamoa nê m gamênj.”  
 14 Go Dawid kêsôm gêdênj enj gebe “Amboac ondoc tec kôtêc taôm atom ma lêmam kêpi Apômtaunê njac, tanj geñj oso enj nanj, ma gôjac enj êndu.” 15 Go Dawid gêmôêc lau matac nênj njac tenj gêmênj ma kêsôm gebe “Ôna, ônac enj êndu.” Amboac tonanj enj jagêjac njac Amalekña tonanj e gêmac êndu. 16 Dawid kêsôm gêdênj enj gebe “Nê m dec êpi aôm taôm gebe aôm taôm kôkic nê m binj ña taôm awamsunj gêdênj tanj kôsôm gebe ‘Aê gajac Apômtaunê njac, tanj geñj oso enj nanj êndu nanj.’ ”

*Dawid kêtanj tanjiboa kêt u Saul agêc Jonatanña*

17 Go Dawid gêga wê tanjiboaña tonec kêpi Saul agêc latu Jonatan 18 ma kêjatu gebe têndônj wê tau êndênj lau Juda ma teto kêsêp Jasarnê buku.

19 “Ojae Israel, sêjac nê m waem êndu gêc nê m lôc ñaô.

Ojae, nê m sinjsêlêc ñactêkwa sêjanagoc.

20 Asôm lasê anğa Gat atom

ma anac minj anğa Askalon ñamalacunj atom

gebe lauo Pilisti têt u samuc atom

ma lau samuc latunjo sên am lasê atom.

21 “Amac lôc Gilboa, maninj to kom

êpi amac atom, atu gamênj gasanj.

Gebe sesenj sinjsêlêcnê lautuc ñadabunj su

ma senj oso Saulnê lautuc ña niptêkwi kêtiam atom.

22 “Jonatannê sôb keso ñacjo atomanô

ma Saulnê sinj gêjam kôm ñaôma atom.

Gêjac lau siñsêlêc popoc  
ma gesen ñacjo su.

23 “Saul agêc Jonatan têtac gêwiñ taun to sêlic taun  
ñajam  
sêmoa mater jali sêwiñ taun ma sêmac êndu sêwiñ  
taun amboac tonanjen.  
Sêlêti ñagaô kêlêlêc momboan gêlôb  
ma nêñ ñaclai kêlêlêc lewe nêñ su.

24 “O amac Israel latunjo, atan êtu Saulña  
gebe en kêkêñ ñakwê asôsamuc ñajam-ñajam gêdên  
amac ma kêkêñ gêlôn gold gen kalen nêñ  
ñakwê.

25 “Ojae, lau ñactêkwa sêjaña anga siñ ñalêlôm.  
Sêjac Jonatan êndu tomatêgen gêc lôc ñaô.

26 “O teocenec Jonatan, atêc gêmô aê kêtú aômña.  
Ojae, ñoc gêñenec.  
Nêñ têtac gêwiñ aêña kêmoasiñ aê ñanôgen  
kêlêlêc lauo têtac gêwiñ aêña su.

27 “Ojae, siñ gesen lau ñactêkwa su ma nêñ  
laukasap gêjaña.”

## 2

### *Dawid kêtú kiñ Judaña*

<sup>1</sup> Tonan su, go Dawid kêtú kênac Apômtau gebe  
“Aê oc Japi najanğôn malac Judaña ten me masi.”  
Apômtau gêjô ênê biñ gebe “Ôna.” Dawid kêtú kênac  
kêtiam gebe “Jana malac ondoc.” Ma Apômtau  
gêjô en awa gebe “Ôna Hebron.” <sup>2</sup> Amboac tonan

Dawid gëwiñ nê awêlagêc Ahinoam ança Jesrel agêc Nabalnê awêtuc Abigail ança Karmel jakêpi Hebron. <sup>3</sup> Dawid kêkôc lau, tañ sêmoa sêwiñ eñ nan, to nêñ gôlôac sêwiñ jasêngôn malac Hebron ñagamêñ ñagêdô. <sup>4</sup> Go ñacwaga Judaña sêmêñ ma sen oso Dawid kêtü gôlôac Judaña nêñ kiñ ança tonañ.

Ñawae gêdêñ Dawid gêmêñ gebe lau Jabes-Gilead sêsuñ Saul su. <sup>5</sup> Tec Dawid kêsakiñ biñ tonec gêdêñ êsêac gebe “Apômtau ênam mec amac gebe têmtac gëwiñ nêñ ñatau Saul amboac tonañ ma asuñ eñ. <sup>6</sup> Apômtau êtôc nê têtac gëwiñ tengeñña êndêñ amac to taê walô amac ma aê gabe jamoasiñ amac amboac tonanğeñ êjô gêñ, tañ amac agôm nan. <sup>7</sup> Ma galoc têmtac êpa su ma awa taôm sa amboac ñacgeñ. Gebe nêñ ñatau Saul gêmac êndu su ma lau Juda sen oso aê gebe jatu êsêacnêñ kiñ.”

2:8–4:12 Saulnê siñwaganêñ kasêga Abner kêkêñ Saul latu Isboset kêtü kiñ ança gamêñ gëmu kêpiña. Siñ kêsa ma lau Israel nêñ gôlôacmôkê, tañ sêngôn gamêñ gëmu kêpiña to êsêac, tañ sêngôn gamêñ gëmu kêsêpñña nan, sêjac taun. Siñ gesen Abner agêc Isboset su, tec Dawid kêtü gamêñ samucgeñ ñakiñ Eñ gëbiñ gamêñ Israelña to gamêñ Judaña tôñ sêpi tagen.

## 5

### *Sêkêñ Dawid kêtü Israel samob nêñ kiñ*

<sup>1</sup> Go Israelnêñ gôlôacmôkê samob sêo lasê gadêñ Dawid ança Hebron ma sêsôm gêdêñ eñ gebe “Aêacma ñatê ñagêdô aôm. <sup>2</sup> Gëmuñña gêdêñ tañ Saul kêtü kiñ nan, aôm gôwê lau Israel kêtü siñña sêja ma kôkôc êsêac sêmu sêmêñ kêtiam.

Ma Apômtau kêsôm gêdêñ aôm gebe ‘Aôm oc ôtu aêñoc lau Israelnêñ gejobwaga ma ôtu êsêacnêñ gôliñwaga.’” <sup>3</sup> Go lau Israelnêñ kasêga samob sêo lasê gêdêñ kiñ ança Hebron ma kiñ Dawid kêmoatiñ poac gêwiñ êsêac ança Hebron semoa Apômtau lañônêm, go señ oso Dawid kêtú kiñ Israelnça gêwiñ. <sup>4</sup> Dawidnê jala kêtú 30 ma kêtú kiñ. Ma eñ gêjam gôliñ êsêac jala 40. <sup>5</sup> Eñ kêtú kiñ Judança ança Hebron kêtôm jala 7 ma ajôn 6 ma ança Jerusalem eñ kêtú Israel to Juda samobnêñ kiñ kêtôm jala 33.

### *Dawid kêku Jerusalem tulu*

<sup>6</sup> Kiñ to nê lausiñ sêja Jerusalem gebe sênac lau Jebus, tañ têtú malac ñatau nañ. Êsêac sêsôm geden Dawid gebe “Aôm ôsô tonec ômôêñ atom-anô, lau matenpec to puliñ oc sêkô aôm auc.” Biñ tonañ ñam gebe Dawid oc êku malac tulu atomanô. <sup>7</sup> Mago Dawid kêku malac totunjbôm ñajança tulu, tec sêsam malac tau gebe Dawidnê malac. <sup>8</sup> Gêdêñ bêc tonañ Dawid kêsôm gebe “Ñac tañ êsêli êsô gasuc bunça naênac lau Jebus ma enseñ lau puliñ to matenpec Dawid gedec ñanôgeñ nañ su, go êtu ñac ñamataña.” Kêtú tonañña sêsôm biñ tonec sêmoa gebe “Matenpec to puliñ oc sêsô Apômtaunê andu atom.” <sup>9</sup> Dawid gêñgôn malac totunjbôm ñajança tau ma kêsam gamêñ tau gebe Dawidnê malac. Eñ kêkwê malac tau kégigen gêjam m ança Milo ma kêsô gêja. <sup>10</sup> Amboac tonañ Dawidnê ñaclai kêpi ec-kêpi ec gebe Apômtau lausiñ undambêña nêñ Anôtô gêmoa gêwiñ eñ.

### *Kiñ Hiram ketoc Dawid sa*

<sup>11</sup> Lau Tirus nêj kiñ Hiram kêsakiñ lau jaenña gêdên Dawid. En kêsakiñ kaseda to kamunda ma sêsap-pocwaga ma sêkwê Dawidnê andu. <sup>12</sup> Tec Dawid kêjala gebe Apômtau kêkên en kêtü kiñ Israelña binñanôgen-*ma ketoc ênê gôliñ kiñña sa kêtü ênê lau Israelña.*

*Dawidnê latuio to ñac, tañ teneñi sêkôc êsêac anğa Jerusalem nañ*

<sup>13</sup> Gêdên tañ Dawid gêwi Hebron siñ jagêngôn Jerusalem nañ, en gêjam lauo ñagêdô mênswên, tec sêkôc ênê latuio to ñac ñagêdô. <sup>14</sup> Latui tañ teneñi sêkôc anğa Jerusalem nañ, nêj ñaê tonec Samua agêc Soba ma Natan agêc Salomo <sup>15</sup> ma Ibkar agêc Elisua ma Nepeg agêc Japia <sup>16</sup> ma Elisama agêc Eliada ma Elipelet.

*Dawid kêku lau Pilisti tulu*

<sup>17</sup> Gêdên tañ lau Pilisti sênô gebe sen oso Dawid kêtü kiñ Israelña nañ, lau Pilisti samob sêwê sêpi sêja gebe sêkôc Dawid tôn. Mago Dawid gênô biñ tau ñawae ma kêsêp jagêngôn malac totunbôm ñajañ tau. <sup>18</sup> Lau Pilisti sêô lasê gaboñ Repaim ma sênôn gamên aucgen. <sup>19</sup> Go Dawid kêtü kênac Apômtau ma kêsôm gebe “Aê oc japi jandên lau Pilisti jana ma aôm ôkên êsêac sêsêp aê lemoc me masi.” Ma Apômtau gêjô en awa gebe “Aec, ôpi ôna, gebe aê oc jakên lau Pilisti sêsêp aôm lêmam binñanôgen.” <sup>20</sup> Amboac tonañ Dawid gêô lasê Bal-Perasim ma kêku êsêac tulu anğa tonañ. Go en kêsôm gebe “Apômtau gêjac ñoc ñacjo gêmun aê amboac bu kêsap lêdan.” Kêtü tonañña sêsam gamên tonañ gebe Bal-Perasim (Apômtau kêku

tulu). <sup>21</sup> Lau Pilisti sêwi nêñ anôtôi gwam siñ sêc tonañ ma Dawid to nê lau sêkôc sa ma sêc sêja.

<sup>22</sup> Go lau Pilisti sêpi jasêô lasê gaboañ Re-paim kêtiam ma sêngôn sêjam gamêñ aucgeñ.

<sup>23</sup> Gêdêñ tañ Dawid kêtû kênac Apômtau kêtiam nañ, Apômtau gêjô eñ awa gebe “Ôpi ôna atom. Ômbuc ômoa êsêac dêmôênmuñageñ ma ônac êsêac aña gamêñ, tañ kêkanôn ka môsê kêkô nañ. <sup>24</sup> Ma embe ôñô lau sêsêlêñ ñakicsêa aña ka lôlôcña, go ôlêti gebe êndêñ tonañ Apômtau êsêlêñ êmuñ aôm gebe ênac Pilisti nêñ lausiñ.” <sup>25</sup> Dawid gêgôm kêtôm Apômtau kêjatu eñ ma gêjac lau Pilisti aña Geba e gêdêñ Geser.

## 6

### *Dawid kêkôc poac ñakatapa gêmêñ Jerusalem*

<sup>1</sup> Tonañ su, go Dawid kêkac Israelnêñ laumata siñña 30,000 sa kêtiam. <sup>2</sup> Dawid gêdi gawin lau samob tonañ gêja malac Bal-Juda gebe êkôc Anôtônê poac ñakatapa, tañ sêsam lausiñ undambêña nêñ Apômtau, tañ gêngôn kerub ñaô nañ, nê ñaê kêpi nañ. <sup>3</sup> Êsêac tetoc Anôtônê poac ñakatapa kêkô kareta wakuc teñ ñaô ma sêkôc sêsa aña Abinadabnê andu, tañ kêkô gamêñ ñabau nañ, ma Abinadab latuagêc Usa agêc Ahio sêjam gôlin kareta tau. <sup>4</sup> Usa kêsêlêñ gêwin poac ñakatapa ma Ahio kêsêlêñ gêmuñ. <sup>5</sup> Dawid to lau Israel samob têtê wê toôlin walôgeñ sêmuñ Apômtau ma sêjam wê ma sêjac gêñ wêña togam ma sekolon gegob ma sêjac dauc ma oñ.

<sup>6</sup> Gêdêñ tañ êsêac jasêô lasê Nakonnê sêka polom ñamala nañ, bulimakao sêka selelec, tec



Usa kêmêtôc lêma jakêpuc Anôtônê poac ñakatapa tòn. <sup>7</sup> Go Apômtau têtac ñandan gêdên Usa ma gêjac en gebe kêmêtôc lêma gêdên Apômtaunê poac ñakatapa. <sup>8</sup> Dawid têtac ñandan kêtú Apômtau kékac Usa su amboac tonanên, tec sêsam gamên tau gebe Peres-Usa e mênghêdên galoc. <sup>9</sup> Gêdên bêc tonan Dawid kêtêc Apômtau ma kêsôm gebe “Apômtaunê poac ñakatapa êndên aê êmên amboac ondoc.” <sup>10</sup> Tec Dawid gedec gebe Apômtaunê poac ñakatapa êna ênê malac, ma kêkôc katapa tau kêsô Obed-Edom anga malac Gat nê andu gêja. <sup>11</sup> Amboac tonan Apômtaunê poac ñakatapa kêkô Obed-Edom nê andu anga malac Gat kêtôm alôn têtêac. Ma Apômtau gêjam mec Obed-Edom to nê gôlôac samucgen.

<sup>12</sup> Ma êsêac sêsôm ñawae gêdên kin Dawid ma sêsôm gebe “Apômtau gêjam mec Obed-Edom nê gôlôac to nê gên samob kêtú Anôtônê poac ñakatapanja”, tec Dawid gêja jakêkôc Anôtônê poac ñakatapa totêtac ñajamgen anga Obed-Edom nê andu gêmên taunê malac. <sup>13</sup> Gêdên tan lau sêbalan katapa sa ma sêu enkain sêsêlên kêtú dim 6 nan, Dawid kêkên bulimakao kapoac ten ma domba tonalêsi ten kêtú da. <sup>14</sup> Ma Dawid kêtê wê to nê ñalêlôm samucgen gêmun Apômtau. En kêjandin obo dabungen. <sup>15</sup> Dawid to lau Israel samob sêkôc Apômtaunê poac ñakatapa sêmên ñalên amboac tonan sêjam lasê to sêjac dauc kêtan toôndugen.

<sup>16</sup> Gêdên tan Apômtaunê poac ñakatapa mênghê lasê Dawidnê malac nan, Saul latuo Mikal gêjam tuc kêsá katam saun ma gêlic kin Dawid kêtê wê gêboan-gêboan gêmun Apômtau, tec en kêpêc gêdô

enj gêc lêlômgenj. <sup>17</sup> Sêkôc Apômtau nê poac ñakatapa mênşêsô beco, tañ Dawid gê nañ, ma tetoc kakô ñamala. Ma Dawid kêkêñ daja to dawama gêdêñ Apômtau. <sup>18</sup> Kêkêñ daja to dawama tonañ su acgom, go gêjam mec lau gêjam Apômtau, lausinj undambêña nêñ Anôtô lanô, <sup>19</sup> gocgo kêsôm ñabinj ma sêjac sam polom teñ ma bôc ñagêdô teñ ma polom ñakana teñ gêdêñ lau Israel nêñ lauo to ñac kêtômgenj. Su, go lau samob sec êlinj-êlinj sêmu sêja nêñ gamêñ kêtiam.

<sup>20</sup> Dawid gêmu gêja nê andu amboac tonanjenj gebe ênam mec nê gôlôac. Go Saul latuo Mikal kapuc enj tôn-tôn ma kêsôm gebe “Ocsalô tonec Israelnêñ kinj kêwaka tau sa ñajamanô. Enj kêsêlêñ toôli ñaômagenj gêmoa nê sakinjwaganêñ sakinjwagao ñalêlôm tomaja gêbacgenj kêtôm ñac ñaôma teñ.” <sup>21</sup> Dawid gêjô Mikal awa gebe “Aê katê wê gebe jatoc Apômtau sa. Enj kêjalinj aê sa gajô aôm tamam ma gajô ênê gôlôac samob. Enj kêkêñ aê katu ênê lau Israel nêñ kinj. Aê oc jatê wê to jatoc Apômtau sa jamoa. <sup>22</sup> Ma aê oc jakôninj tauc êlêlêc galocña e jalic tauc amboac genj ñaôma. Mago ñapalêo, tañ aôm kôsôm binj kêpi êsêac nañ, oc tetoc aê sa.” <sup>23</sup> Ma Saul latuo Mikal kêkôc ñapalê teñ atom e gêmac êndu. \*

## 7

### *Anôtô kêmoatinj poac gêdêñ Dawid*

<sup>1</sup> Gêdêñ tañ Apômtau kêkêñ kinjê ñacjo sêsô enj ñalabu nañ, kinj tau kêlêwanj tau gêñgônj nê andu. <sup>2</sup> Ma kinj kêsôm gêdêñ propete Natan gebe “Ôlic

\* **6:23:** Peres-Usa ñam “kêkac su”.

acgom, galoc aê ganğôn andu kaseda tonec, mago Anôtônê poac ñakatapa kêkô becobogen.”<sup>3</sup> Ma Natan kêsôm gêdên kin gebe “Ñajam, ôna ma ôngôm gên samob, tañ gêc nê m ñalêlôm nañ, ñanô êsa gebe Apômtau gêwiñ aôm.”

<sup>4</sup> Mago gêdên gêbêc tonanğen Apômtau gêsun biñ gêdên Natan ma kêsôm gebe <sup>5</sup> “Ôna ma ôsôm êndên ñoc sakinwaga Dawid gebe ‘Apômtau kêsôm amboac tonec gebe Aôm gobe ôkwê andu teñ êtu aê janğônna me. <sup>6</sup> Gêdên tañ aê gawê lau Israel anğa Aiguptu sêpi sêmên e mênğêdên galoc nañ, aê ganğôn andu teñ ñalêlôm atomanô. Aê gajac laoc gamênğen ma ganğôn becobogen kêtú ñoc andu. <sup>7</sup> Amboac ondoc gêdên ñasawa samob, tañ gajac laoc gamên gawiñ lau Israel nañ, aê kasôm biñ teñ gêdên Israelnên gôliñwaga, tañ kajatu êsêac gebe sejop ñoc lau Israel nañ, nên teñ gebe Amac akwê andu kasedaña teñ êtu aênna atom, kasôm me masi.’ <sup>8</sup> Ma galoc aôm ôsôm êndên ñoc sakinwaga Dawid gebe Lausiñ undambênna nên Apômtau kêsôm gebe ‘Aôm gojob domba gômoa gamên wale-wale, tec aê kakôc aôm su gebe ôtu ñoc lau Israel nên gôliñwaga. <sup>9</sup> Ma aê gamoa gawiñ aôm anğa gamên samob, tañ kôsêlên kôsa nañ, ma gasen nê m ñacjo samob su gamun aôm ma gabe jakên aômnêm ñaê êtu kapôên êtôm lau kapôên nomña nên. <sup>10</sup> Ma aê jajaliñ gamên teñ sa êtu ñoc lau Israelna ma oc jasê êsêac sêsêp gebe êtu êsêacnên gamên sênğônna ma ñacjo sêlênsôn êsêac êtiam atom, ma lau ñac lai sec sêkônin êsêac êtôm sêgôm gêdên gêmunna êtiam atom. <sup>11</sup> Sêgôm gêdên tañ aê kakên gôliñwaga sêjam gôliñ ñoc lau Israel nañ. Aê oc jakên nê m ñacjo

sêsô aôm ñalabu ma ôngôn tomalô. Apômtau gêjac mata gêdên aôm gebe en tau oc êmba nêm gôlôac sa. <sup>12</sup> Nêm têm embe êmbacnê ma ônêc nêm bêc ôwiñ tamamî, nanj oc jakên latôm, tanj mênêsa anja aôm nanj, êjô aôm su, ma oc janac dabinj ênê gamênj kinja. <sup>13</sup> Enj oc êkwê andu tenj êtu ñoc ñaêña ma jakên ênê lêpônj kinja êkô endenj tônjenj. <sup>14</sup> Aê oc jatu enj tama ma enj êtu aê latuc. Enj embe êngôm sec aê oc jamêtôc enj êtôm tama tenj kêmêtôc latu. <sup>15</sup> Mago aê oc jakôc ñoc moasinj su anja ênê êtôm kakôc su anja Saul, tanj katu kinj gêmunj aôm nanj atom. <sup>16</sup> Tagenj aômnêm gôlôac to nêm gôlinj kinja êmoa aê lanjônêmña tenjenj ma tenjenj. Ma nêm lêpônj kinja êkô endenj tônjenj.’” <sup>17</sup> Natan kêsôm binj samob, tanj Anôtô geoc lasê gêdên enj nanj gêdên Dawid.

### *Dawidnê mec danjenja*

<sup>18</sup> Go kinj Dawid kêsô lômbec jagênngôn Apômtau lanjônêmña ma ketenj mec gebe “O Apômtau Anôtô, aê asa ma ñoc gôlôac asa tec gôwê aê e mênngêdên tonec. <sup>19</sup> Mago moasinj tonanj, aôm Apômtau Anôtô, gôlic amboac kêtôm su atom, tec kôsôm binj, tanj oc mênêsa êtu ñamu nanj, kêpi nêm sakinwaganê gôlôac gêwiñ. O Apômtau Anôtô, aôm kôtôc gôlôac to gôlôac, tanj ocgo mênêsêsa nanj gêdên aê. <sup>20</sup> O Apômtau Anôtô, aê oc jasôm asagenj êwiñ. Aôm taôm kôjala nêm sakinwaga. <sup>21</sup> Aôm gôgôm gênsêga samob tonanj ñai kêtü binj, tanj gôjac mata nanj, ma katu nêm ñalêlôm kêkac aômña gebe ôsôm gêñ tau lasê êndênj nêm sakinwaga aê jajala. <sup>22</sup> O Apômtau Anôtô, aôm ñac kapôênanô ma tenj kêtôm aôm gêmoa atom. Anôtô tenj gêmoa atom, aôm taômgenj,

kêtom biñ samob, tañ aêac anô kêsô aêac tañesun nañ. <sup>23</sup> Ma lau nomña ondoc têtôm aôm nê lau Israel, tañ anôtô teñ gêjam êsêac kêsî gebe têtû ênê lau nañ, ma êwaka taunê ñaê sa to êngôm gêñsêga to gêñtalô êtu êsêacña. Ma êtiñ lau to nêñ anôtôî jaba su êmuñ nê lau. <sup>24</sup> Mago aôm kôkêñ lau Israel têtû nê lau geden tôngeñ ma aôm, Apômtau, kôtu êsêacnêñ Anôtô.

<sup>25</sup> “O Apômtau Anôtô, galoc ôkêñ biñ, tañ gôjac mata kêpi nê m sakiñwaga to nê gôlôac nañ, êtu tông endeñ tôngeñ, ma ôngôm gêñ, tañ kôsôm nañ ñanô êsa. <sup>26</sup> Go aôm nê lau ñaê oc êtu kapôêñ endeñ tôngeñ ma sêsôm gebe ‘Lausiñ undambêña nêñ Apômtau katu Israel nêñ Anôtô.’ Ma nê m sakiñwaga Dawid nê gôlôac sêmoa aôm lañôm nê lau. <sup>27</sup> Gebe aôm, lausiñ undambêña nêñ Apômtau, Israel nêñ Anôtô, goc biñ lasê gêdêñ nê m sakiñwaga ma kôsôm gebe ‘Aê oc jamboa nê m gôlôac sa’, tec nê m sakiñwaga aê têtac kêpa su e kateñ mec tonec gêdêñ aôm.

<sup>28</sup> “Ma galoc, o Apômtau Anôtô, aôm taômgeñ Anôtô ma nê m biñ kêtû biññanô. Aôm gôjac mata biñ ñajamanô tonec gêdêñ nê m sakiñwaga. <sup>29</sup> Amboac tonañ ôlic ñajam ma ônam mec nê m sakiñwaga nê gôlôac gebe sêmoa aôm lañôm nê lau endeñ tôngeñ, gebe aôm Apômtau Anôtô kôsôm biñ tau ma nê m mec êpi nê m sakiñwaga nê gôlôac endeñ tôngeñ.”

8:1-18 Dawid kêku lau-m ñagêdô, tañ semoa Israel ñamagê nañ, tulu ma kêtû lau Israel samob nêñ kiñ.

### *Dawid kêmoasiņ Mepiboset*

<sup>1</sup> Ma Dawid kêtû kênac gebe “Saulnê gôlôac nêj tenj gêmoa gebe jamoasiņ enj êtu Jonatanna me masi.” <sup>2</sup> Saulnê gôlôac ņasakiņwaga tenj gêmoa, nê ņaê Siba. Êsêac sêmôêc enj gêdêj Dawid gêmêj. Ma kiņ tau kêtû kênac enj gebe “Aôm Siba me.” Ma enj gêjô kiņ awa gebe “Nêm sakiņwaga tec gamoa.” <sup>3</sup> Ma kiņ kêsôm gebe “Saulnê gôlôac nêj tenj gêmoa gebe jatôc Anôtônê moasiņ êndêj enj me masi.” Go Siba gêjô kiņ awa gebe “Jonatannê latu tenj tec gêmoa. Enj akaiņ lulugenj kêtû palê gêjgôn.” <sup>4</sup> Kiņ kêsôm gêdêj enj gebe “Enj gêmoa ondoc.” Ma Siba gajô kiņ awa gebe “Enj gêjgônj Amiel latu Makir nê andu aņga malac Lodabar.” <sup>5</sup> Go kiņ Dawid kêsakiņ lau jasêkôc enj aņga Amiel latu Makir nê andu aņga Lodabar sêmêj. <sup>6</sup> Ma Saul latu Jonatan nê latu Mepiboset gêdêj Dawid gêmêj ma gêu tau jagêc enj lajônêm ma ketoc enj sa. Ma Dawid kêsôm gebe “Mepiboset”. Ma enj gêjô awa gebe “Aec, nêm sakiņwaga aê tec gamoa.” <sup>7</sup> Dawid kêsôm gêdêj enj gebe “Ôtêc taôm atom gebe aê gabe jamoasiņ aôm êtu tamam Jonatanna. Ma aê oc jakêj dêbôm Saulnê nom samob endej aôm êtiam. Ma aôm oc ôniņ gêj aņga aêjnoc tebo ņapaņ.” <sup>8</sup> Ma Mepiboset kêpônj aduc ma kêsôm gebe “Nêm sakiņwaga aê asa tec gobe ônam jaom aê, taņ katôm kêam ņamatê tenj naņ.”

<sup>9</sup> Go kiņ gêmôêc sakiņwaga Siba ma kêsôm gêdêj enj gebe “Saulnê gêj samob to nê gôlôacnêj gêjgônêj samob aê kakêj gêdêj nêm ņatau latu. <sup>10</sup> Aôm to nêm latômi ma nêm sakiņwaga anam kôm êtu enj ma akôc ņanô amêj gebe nêm ņatau nê

gôlôac têtap nêñ gêñ sêniñña sa, mago nêñ natau latu Mepiboset oc êniñ gêñ anğa aêñoc tebo napan.” Siba latui 15 ma nê sakiñwaga 20 sêmoa. <sup>11</sup> Go Siba kêsôm gêdêñ kiñ gebe “Nêñ sakiñwaga oc êngôm gêñ samob, tañ ñoc apômtau kiñ kêjatu nan.” Amboac tonan Mepiboset geñ gêñ anğa Dawidnê tebo kêtôm kiñnê latui nêñ teñ. <sup>12</sup> Mepiboset latu sauñ teñ gêmoa, ênê ñaê Mika. Ma samob, tañ sêngôn Sibanê andu nan, têtü Mepibosetnê sakiñwaga. <sup>13</sup> Amboac tonan Mepiboset gêngôn Jerusalem gebe eñ geñ gêñ anğa kiñnê tebo napan. Ma eñ akaiñ lulugeñ kêtü palê.

10:1-19 Dawidnê siñwaga toton-toton sêku lau Amon to lau Suria tulu.

## 11

### *Dawid agêc Batseba*

<sup>1</sup> Ockêsa kêdabiñ, kiñnêñ têm sênac siñña mênkêsa. Tec Dawid kêsakiñ Joab to nê sakiñwaga ma lau Israel samob jaseseñ lau Amon nêñ nom su ma sêgi malac Raba auc. Mago Dawid gacgeñ gêmoa Jerusalem.

<sup>2</sup> Nakêtula teñ Dawid gadi anğa nê mê ma kêsêlêñ gêmoa nê andu ñasalôm tapa-tapa ñaô. Gêdêñ tonan Dawid gêlic awê teñ gêliñ bu. Ma awê tau ñajamanô. <sup>3</sup> Tec Dawid kêsakiñ lau gebe têtü kênac awê tonan nê ñam. Ma ñac teñ gêwa sa gêdêñ eñ gebe “Eñ Eliam latuo Batseba, ñac Hetña Uria né awê.” <sup>4</sup> Go Dawid kêsakiñ lau gebe sêkôc eñ sêmên. Tec sêkôc eñ dêdêñ Dawid sêja ma eñ gêc gêwiñ eñ. Gêdêñ tonan awê tau gêliñ busenom su ma kêtü selec. Go gêmu gêja nê andu kêtiam. <sup>5</sup> Awê tau taê,

tec kêsakiņ biņ ma kêsôm gêdêņ Dawid gebe “Aê taêc tec gamoa.”

<sup>6</sup> Amboac tonañ Dawid kêsakiņ biņ gêdêņ Joab gebe “Ôsakiņ ŋac Hetņa Uria êndêņ aê êmêņ.” Ma Joab kêsakiņ eņ gêja. <sup>7</sup> Gêdêņ taņ Uria mêngêô lasê geden Dawid naņ, Dawid tau kêtû kênac eņ gebe “Joab gêgôm asageņ ma lau samob sêmoa ŋajam me masi. Ma siņ ŋabiņ amboac ondoc.” <sup>8</sup> Su, go Dawid kêsôm gêdêņ Uria gebe “Ôna nêmandu ma ôkwasiņ amkaiņ.” Uria kêsana ŋga kiņnê andu gêja, go kiņ kêsakiņ moasiņ teņ kêdaguc eņ. <sup>9</sup> Mago Uria gêja nê andu atom. Eņ gêwiņ nê ŋataunê sakiņwaga ŋagêdô gêc bêc gêc kiņnê andu ŋasacgêdô. <sup>10</sup> Êsêac sêjac miņ biņ tau gêdêņ Dawid ma sêsôm gebe “Uria gêja nê andu atom.” Tec Dawid kêtû kênac Uria gebe “Aôm kôsêlêņ intêna baliņ. Kêtû asageņņa gôja nêmandu atom.” <sup>11</sup> Tageņ Uria gêjô Dawidnê biņ gebe “Poac ŋakatapa ma lau Israel to Juda sêņgôņ becobo ma ŋoc ŋatau Joab to ŋoc ŋataunê sakiņwaga samob sêsa jasêc awêgeņ ma aê najañgôņ ŋoc andu, janiņ to janôm gêņ ma janêc jawiņ ŋoc awê me. Aê jatôc lemoc ma jasôm êtu tôņ gebe aê oc jaņgôm gêņ amboac tonañ atomanô.” <sup>12</sup> Go Dawid kêsôm gêdêņ Uria gebe “Amboac tonañ ômoa ocsalô tonec êwiņ ma elen oc jawi aôm siņ ômu ôna.” Amboac tonañ Uria gêmoa Jerusalem bêc tonañ ma ŋagelen gêwiņ. <sup>13</sup> Dawid keteņ eņ gebe êniņ to ênôm gêņ êwiņ eņ ma gêgôm e gêņ kêjaņiņ eņ. Mago gêdêņ gêbêc eņ gêja nê andu atom, eņ gêc bêc gêc nê mê gêwiņ nê ŋataunê sakiņwaga ŋga andu ŋasacgêdô.

<sup>14</sup> Gêdêņ bêbêcgeņ Dawid keto papia teņ gêdêņ Joab ma Uria kêkôc papia tau gêja. <sup>15</sup> Ma eņ



keto biñ tonec gêc papia tau gebe “Ôkêñ Uria êkô siñmata, go ataiñ taôm su gebe ñacjo sênac enj êndu.”  
<sup>16</sup> Tec gêdêñ tañ Joab kêgi malac tau auc nañ, enj kêkêñ Uria kêkô ñasawa, tañ enj kêjala gebe lau ñactêkwa ñanô sêkô nañ. <sup>17</sup> Ma lau malacña sêsa jasêjac siñ gêdêñ Joab. Gêdêñ tonañ sêjac Dawidnê sakiñwaga ñagêdô êndu. Ma ñac Hetña Uria gêmac êndu amboac tonañen. <sup>18</sup> Go Joab kêsakiñ biñ ma gêjac miñ siñ ñabiñ gêdêñ Dawid. <sup>19</sup> Ma enj gêjac biñsu ñac jaenña gebe “Êndêñ tañ ônac miñ biñ siñña êndêñ kiñ su nañ, <sup>20</sup> kiñ embe têtac ñandanêsa ma êsôm êndêñ aôm gebe ‘Kêtu asagenña amac atu gasuc jaadabiñ malac gebe anac siñ. Amac ajala gebe sêkô tunbôm ñaô ma oc sêpê amac nec atom me. <sup>21</sup> Asa gêjac. Jerubeset latu Abimelek êndu. Awê teñ kêkôc poc sêlêsa polomña teñ ma kêkô tunbôm ñaô, go kêbaliñ jakêruc enj êndu ança Tebes. Kêtu asagenña amac atu gasuc jaadabiñ tunbôm amboac tonañ.’ Kiñ embe êtu kênac biñ amboac tonañ, go ôsôm êndêñ enj gebe ‘Nêm sakiñwaga ñac Hetña Uria gêmac êndu amboac tonañen.’”

<sup>22</sup> Amboac tonañ ñac jaenña jagêjac miñ biñ samob, tañ Joab kasakiñ enj gebe êsôm nañ, êndêñ Dawid. <sup>23</sup> Ñac jaenña kêsôm gêdêñ Dawid gebe “Lau tônê sêlêlêc aêac ma sêsa ança malac sêmênj gebe sênac aêac ança awênja. Go aêac ajac êsêac ma alêsuc êsêac dêdêñ malac ñasacgêdô sêja. <sup>24</sup> Go lau talamña sêkô tunbôm ñaô ma sêpê nêm sakiñwaga ñagêdô êndu. Nêm sakiñwaga ñac Hetña Uria gêmac êndu amboac tonañen.” <sup>25</sup> Go Dawid kêsôm gêdêñ ñac jaenña gebe “Ônac Joab têtac tôñ ña biñ tonec gebe ‘Biñ tonañ êkêñ wapac aôm êlêlêc su atom,

gebe sinj gesen ñac tenj galoc ma tenj oc êndênj ñasawa tenj. Ônac sinj ñajaña êndênj malac tau e ôku tulu su.’”

<sup>26</sup> Gêdênj tanj Urianê awê gêñô ñawae gebe nê akwenj Uria gêmac êndu nanj, enj kêtanj tanjiboa kêtú nê akwenja. <sup>27</sup> Gêdênj tanj kêkac abec su nanj, Dawid kêsakinj ñac tenj jakêkôc Batseba gêmênj ênê andu ma gêjam enj kêtú nê awê ma awê tau kêkôc ênê latu tenj. Mago gêñ, tanj Dawid gégôm nanj, gêjac Apômtau mataanô ñajam atom.

## 12

### *Natan gêbu Dawid*

<sup>1</sup> Ma Apômtau kêsakinj propete Natan gêdênj Dawid gêja. Enj gêô lasê ma kêsôm gêdênj Dawid gebe “Ñac luagêc sêmoa malac tenj. Tenj ñac tolêlôm ma tenj ñac ñalêlôm sawa. <sup>2</sup> Ñac tolêlôm nê domba to bulimakao taêsam ñasec. <sup>3</sup> Mago ñac ñalêlôm sawa nê gêñ masi, domba ñalatu têna tagengenj, tanj enj gêjam ôli. Ma enj gêlôm nê gêñ e kêtú kapôênj gêwinj enj to nê ñapalêo to ñac. Agêc senj to sênôm gaenj kêsêp tagenj ma gêc bêc gêsac enj labum ma ñatau gêlic enj kêtôm latuo tenj. <sup>4</sup> Bêc tenj ñaclenj tenj mênjgêô lasê gêdênj ñac tolêlôm. Ma ñac tau gedec gebe êkôc taunê domba me bulimakao nêñ tenj gebe êmansanj êtu ñaclenj, tanj jagêô lasê gêdênj enj nanja. Mago enj kêkôc ñac ñalêlôm sawa nê domba tagengenj su ma kêmasanj kêtú ñaclenj, tanj gêmênj gêdênj enj nanja.” <sup>5</sup> Go Dawid têtac ñandanj ñanô gêdênj ñac tonanj ma kêsôm gêdênj Natan gebe “Aê jatôc lemoc êndênj Apômtau mata jali gebe ñac, tanj gégôm gêñ amboac tonanj nanj ênaña. <sup>6</sup> Ma enj

oc êjô domba tonañ êtu dim aclê, gebe gêgôm gêñ amboac tonañ ma taê walô ñagec gêc enña atom.”

<sup>7</sup> Natan kêsôm gêdêñ Dawid gebe “Ñac tau aôm taômgoç. Apômtau, lau Israel nêñ Anôtô, kêsôm amboac tonac gebe ‘Aê gaen oso aôm kôtu lau Israel nêñ kin ma gajam aôm sa ança Saul lêma. <sup>8</sup>Ma kakêñ nêñ ñataunê andu gêdêñ aôm gôwê kain ma ênê lauo toñgen wacsêngôn aôm labômm ñaô to kakêñ gôlôac Israel to Juda dêdêñ aôm. Ma embe tonañ êtôm atom nanjo jakêñ gêñ ñagêdô wacênsac ñaô. <sup>9</sup>Aôm lanôm gelo Apômtaunê bin ma gôgôm gêñ sec, tañ gêjac matocanô ñajam atom nan, kêtú asagenña. Aôm gôjac ñac Hetña Uria ña sin êndu ma gôjam ênê awê kêtú nêñ awê. Aôm gôjac en ña lau Amon nêñ sin êndu. <sup>10</sup>Amboac tonañ sin tau oc êwê nêñ wakuc sin atomanô gebe lanôm gelo aê ma kôkôc ñac Hetña Uria nê awê su gebe êtu aômnêñ awê.’ <sup>11</sup>Tec Apômtau kêsôm gebe ‘Ôlic acgom, aê oc jakalem gêñwapac êpi aôm ança aôm taômnêñ gôlôac nêñ. Ma oc jakôc aômnêñ lauo su ma jakêñ êndêñ nêñ ñac wacban aôm ma en oc ênêc êwiñ nêñ lauo ênêc awêgen êndêñ oc êkôgen. <sup>12</sup>Gebe aôm gôgôm gêñ tau kelecgen, mago aê oc janjom gêñ tonañ êndêñ lau Israel samob sêlic êndêñ ocsalô.’” <sup>13</sup>Go Dawid kêsôm gêdêñ Natan gebe “Aê gagôm sec gêdêñ Apômtau.” Natan gêjô Dawid awa gebe “Amboac tonañ Apômtau kêsuc nêñ sec ôkwi, aôm oc ômac êndu atom. <sup>14</sup>Mago kôsu Apômtau susu ña bin tonañ, tec nêñ ñapalê, tañ têna êkôc en nan, oc êmac êndu.” <sup>15</sup>Go Natan gêmu gêja nê andu.

*Dawidnê latu gêmac êndu*

Ma Apômtau gêjac Dawidnê ñapalê, tañ Urianê awê kékôc nan, e gêmac gêgôm enj. <sup>16</sup> Amboac tonañ Dawid ketenñ Apômtau kêtü ñapalêña ma gajam dabuñ mo ma kasô nê balêm gaja jagêc nom kêtôm gêbêc samob. <sup>17</sup> Ma ana laumata sêkô sêwiñ enj sebe sêsuñ enj sa, mago enj gedec ma genñ gên gawinñ êsêac atom amboac tonanjenñ. <sup>18</sup> Gêdênñ béc kêtü 7ña ñapalê tau gêmac andu. Ma Dawidnê sakinwaga têtêc gebe sêsôm ñapalê gêmac endu ñawae êndênñ enj. Êsêac taenñ gêjam gebe “Gêdênñ tañ ñapalê gêmoa mata jaligenñ nan, aêac tasôm binñ gêdênñ enj, mago kékênñ taña aêac atom. Aêac tasôm ñapalê gêmac êndu su ñawae lasê êndênñ enj amboac ondóc. Oc moae enj êngôm tau paliñ.” <sup>19</sup> Mago gêdênñ tañ Dawid gêlic êsêac sêjac binñ kesec-kesec gêdênñ tañ nan, enj kêjala gebe ñapalê gêmac êndu su ma kêtü kênac nê sakinwaga gebe “Ñapalê gêmac êndu me.” Êsêac sêjô enj awa gebe “Aec, gêmac êndu.” <sup>20</sup> Go Dawid gêdi sa anja nom ma gêlinñ bu to genñ oso ôli ma kêsô ñakwê tenñ. Go kêsô Apômtaunê lômbeç jaketenñ mec. Su, go gêmu gêja taunê andu ma ketenñ gênñ taniñña. Tec sêkôc gênñ dêdênñ enj jagenñ. <sup>21</sup> Ma ênê sakinwaga sêsôm gêdênñ enj gebe “Gôgôm amboac tonañ ñam amboac ondóc. Ñapalê mata jali gêmoa ma gôjam dabuñ mo to kôtanñ ñanô kêtü enñña. Ma gêdênñ tañ ñapalê gêmac êndu su nan, gôdi sa ma goenñ gênñ.” <sup>22</sup> Ma enj gêjô êsêac awenñ gebe “Gêdênñ tañ ñapalê mata jali gêmoa nan, aê gajam dabuñ mo to katanñ tanjiboa gebe taêc gêjam amboac tonec gebe ‘Asa kêjala Apômtau, oc moae taê walô aê ma êkênñ ñapalê êmoa mata jali.’” <sup>23</sup> Galoc gêmac êndu su, tec janam dabuñ mo êtu agenñña. Oc jakôc

enj êmu êmênj êtiam me. Aê oc jandênj enj jana, mago enj oc êmu êndênj aê êtiam atomanô.”

<sup>24</sup> Go Dawid gêjam malô nê awê Batseba ma kêsô jagêc gêwinj enj. Ma enj kêkôc ñapalê ñac tenj ma gê ênê ñaê gebe Salomo. Ma Apômtau têtac gêwinj enj <sup>25</sup> ma kêsakinj propete Natan gebe ê ênê ñaê gebe Jedidia (ñam gebe Anôtô têtac gêwinj) kêtü Apômtauña.

12:26–14:20 Dawid kêku lau Amon nêj malacsêga tulu. Mago Dawidnê gôlôacnêj binj kêlênsônj. Dawid latu Absalom gêjac lasi têna tenja êndu kêtü gêgôm sec gêdênj Absalom lasio Tamarña. Absalom gêc su jagêmoa gamênj Gesur jala têlêac. Joab kêkac Dawid gebe êkalem Absalom êmu êmênj.

## 14

### *Dawid agêc Absalom sê sêlêb tauj kêtiam*

<sup>21</sup> Go kinj kêsôm gêdênj Joab gebe “Gôlicgac, aê jakênj êwinj nêmbin, tanj kotenj nanj. Naôkôc ñac wakuc Absalom êmu êmênj êtiam.” <sup>22</sup> Ma Joab gêu tau lañôanô gêdênj nom ma ketoc kinj sa to gêjam mec enj. Ma Joab kêsôm gebe “Ocsalô nêmbin sakinwaga aê kajala gebe ñoc ñatau kinj gêlic aê gajac mataanô ñajam ma kinj tau gêlôc kêtü binj, tanj katej nanja.” <sup>23</sup> Amboac tonanj Joab gêdi gêja Gesur ma kêkôc Absalom gêmu gêmênj Jerusalem kêtiam. <sup>24</sup> Ma kinj tau kêsôm gebe “Enj êngônj taunê andu ma êmoa tauña. Enj êmênj êkô aê lañôcnêmña atom.” Tec Absalom gêmoa nê tauña gêngônj ênê andu ma jakêkô kinj lañônêmña atom.

<sup>25</sup> Ñac lañôêjam tenj kêtôm Absalom gêmoa Israel ñalêlôm atom. Lañôanô latu-latu ma ôli ñageo

gêc atomanô. <sup>26</sup> Gêdêñ tañ jala gêjac pep nañ, eñ kêkapiñ nê mômêlaun gebe mômêlaun ñawapac kêsa. Ma kêkêñ mômêlaun kêpi dôñ ma gêlic ñawapac kêtôm kiñnê dôñ kilo 2. <sup>27</sup> Ma Absalomnê latui têtêac ma latuo tagen, ñaê Tamar. Awê tonañ awê êjam ñanô.

<sup>28</sup> Amboac tonañ Absalom gêmoa Jerusalem jala samuc luagêc ma kêsa kiñ lañônêm ñagec atomanô. <sup>29</sup> Go Absalom kêsakiñ biñ gêdêñ Joab gebe êmêñ ma Absalom êsakiñ eñ êndêñ kiñ êna. Mago Joab gedec ma gêja atom. Ma eñ kasakiñ biñ kêtiam kêtû luagêcña, mago Joab gêja atom. <sup>30</sup> Tec eñ kêsôm gêdêñ nê sakiñwaga gebe “Alic acgom, Joabnê kôm gêc kêsi aêñoc kôm ma eñ kêsê polom kêkô tonañ. Ana ma akêñ ja êniñ kôm tau.” Amboac tonañ Absalomnê sakiñwaga sêkêñ ja geñ kôm tau. <sup>31</sup> Go Joab gêdi gêdêñ Absalom nê andu gêja ma kêsôm gêdêñ eñ gebe “Aômñêm sakiñwaga sêkêñ ja geñ aêñoc kôm kêtû agenña.” <sup>32</sup> Absalom gêjô Joab awa gebe “Gôlicgac me, aê kasakiñ biñ gêdêñ aôm gebe Ômôêñ gebe jasakiñ aôm ôndêñ kiñ ôna ma ôtu kênac eñ gebe ‘Aê gamu gamêñ anga Gesur kêtû agenña. Aê gacgen jamoa tônêmanñ oc ñajam êlêlêc. Amboac tonañ ôlôc gebe najakô kiñ lañônêmña ma embe jawê kaiñ biñ teñ, go eñ ênac aê êndumanñ.’ ” <sup>33</sup> Go Joab gêdêñ kiñ gêja ma gêjac miñ biñ gêdêñ eñ. Ma kiñ gêmôêc Absalom. Amboac tonañ eñ gêdêñ kiñ tau gêja ma gewec lañôanô kêsêp nom gêc kiñ lañônêmña. Ma kiñ kêlêsoñ Absalom alianô.

## 15

*Absalom gêli tau sa gêdêñ Dawid*

<sup>1</sup> Tonañ su, go Absalom gêjam ôli kareta to hos ma kékôc lau 50 gebe sêlêti sêmuñ eñ. <sup>2</sup> Kêtom têm samob Absalom gêdi gêdêñ bêtêcgeñ jakêkô intêna kêsî malac ñasacgêdôña. Ma elêmê ñac teñ embe êmêñ gebe êlic kiñ êtu êmêtôc ênê biñ ñasawaña, nañ Absalom oc êmôêc eñ ma êtu kênac gebe “Aôm aña malac ondoc.” Ma eñ embe êjô eñ awa gebe “Nêm sakiñwaga aê aña Israelnêñ toñ teñ”, <sup>3</sup> go Absalom oc êsôm êndêñ eñ gebe “Ôlic acgom, nêm biñ ñajam to gêdêñ, mago kiñnê ñac gebe êñô aôm nêm biñña gêmoa atom.” <sup>4</sup> Ma Absalom kêsôm gêwiñ gebe “Oe, sêkêñ aê jatu ñacmêtôc aña gamêñ tonecmañ, go lau samob, tañ nêñ biñ ênêc nañ, dêndêñ aê sêmêñ ma jamêtôc nêñ biñ naêndêñgeñ.” <sup>5</sup> Ma ñac teñ embe êndambiñ gebe êpôn aduc êndêñ eñ, go Absalom êmêtôc lêma ma êkam eñ sa to êlêsoñ eñ alianô. <sup>6</sup> Absalom gêgôm amboac tonañ gêdêñ lau Israel samob, tañ sêmêñ gebe kiñ êmêtôc êsêacnêñ biñ nañ, ma gêjam lau Israel nêñ ñalêlôm ôkwi gêdêñ eñ tau.

<sup>7</sup> Jala aclê gêjaña, go Absalom kêsôm gêdêñ kiñ gebe “Aê jateñ aôm gebe ôlôc gebe jana Hebron ma jañgôm biñ, tañ gajac mata gêdêñ Apômtau nañ, ñanô êsa. <sup>8</sup> Gêdêñ tañ gañgôn Gesur Aram nañ, nêm sakiñwaga gêjac mata biñ ma kasôm gebe ‘Embe Apômtau êkêñ aê jamu jana Jerusalem biññañgeñ, go janam sakiñ eñ aña Hebron.’” <sup>9</sup> Ma kiñ tau kêsôm gêdêñ eñ gebe “Ôna tobiñmalôgeñ.” Amboac tonañ Absalom gêdi ma gêja Hebron. <sup>10</sup> Mago Absalom kêsakiñ lau jaenña kelecgeñ kêtôm Israelnêñ gôlôacmôkê samob sêja ma sêsôm gebe “Amac embe añô dauc êtañ, go anam lasê to

asôm gebe ‘Absalom kêtû kiñ anğa Hebron.’  
 11 Absalom keteñ lau 200 anğa Jerusalem gebe têtû  
 ñacleñ eñ, tec sêsêlêñ sêwiñ eñ. Êsêac sêjam kauc  
 biñ samob tonañ ñai ma sêwiñ eñ tonêñ ñalêlôm  
 sawa biññageñ sêja. 12 Gêdêñ tañ Absalom kêkêñ  
 da gêmoa nañ, eñ kêsakiñ biñ gêja malac Gilo gebe  
 Dawidnê ñac gêwa biñ saña Ahitopel êndêñ eñ  
 êmêñ. Ma biñ sêli tauñ saña kêtû kapôêñ ma lau  
 toton-toton sêwiñ Absalom.

### *Dawid gêwi Jerusalem siñ*

13 Ma ñac jaenña teñ mêngeô lasê gêdêñ Dawid  
 ma kêsôm gebe “Lau Israel nêñ ñalêlôm gêjam tau  
 ôkwi jakêsap Absalom tôñ.” 14 Go Dawid kêsôm  
 gêdêñ nê sakiñwaga samob, tañ sêmoa sêwiñ eñ  
 anğa Jerusalem nañ, gebe “Ajôc, taêc. Embe taêc  
 atom, oc tawê Absalom sa atom. Anğôm ñagaô.  
 Embe masi, oc Absalom mêngeô lasê tonec seben  
 ma êkônin aêac to ênac lau malacm tau ña siñ êndu.”  
 15 Ma kiñnê sakiñwaga sêjô eñ awa gebe “O ma  
 ñatau kiñ, nêñ sakiñwaga aêac, tec anğôm nêñ biñ  
 ñanô êsa.” 16 Amboac tonañ kiñ gêdi gêja ma nê  
 gôlôac sêwiñ eñ. Ma kiñ gêwi nê lauo 10 siñ gacgeñ  
 sêmoa gebe sejop andu. 17 Ma kiñ gêdi gaja ma lau  
 samob tédaguc eñ ma anğa andu ñamuña êsêac sêka  
 tôñ sêkô sêlêwan tañ. 18 Go nê sakiñwaga samob  
 sêôc lêlêc eñ sêja. Ma siñwaga Keret to Peletña, tañ  
 sejop eñ ñapan nañ, to lau Git 600, tañ tédaguc eñ  
 anğa Gat nañ, jasêôc lêlêc kiñ.

19 Go kiñ tau kêsôm gêdêñ ñac Gitña Itai gebe  
 “Aôm gobe ôwiñ aêac êtu asageñña. Ômu ôna ma  
 ômoa ôwiñ kiñ wakuc gebe aôm ñacjaba ma têtin  
 aôm su anğa nêñ malacmôkê mênğônğônğôn gamêñ



jaba. <sup>20</sup> Nôgeŋ tec gômôêŋ ma ocsalô tonec oc jakac aôm gebe ônac laoc gamêŋ ôwiŋ aêac me. Aê jana, tagen gajam kauc jana ondoc. Ôkac taôm ôkwi to nêŋ lasitêwaigen amu ana. Apômtau têtac gêwiŋ aôm ma êmoa êwiŋ aôm ŋaŋêŋgeŋ.” <sup>21</sup> Go Itai gêjô kiŋ awa ma kêsôm gebe “O ŋoc kiŋ, aê jasôm êtu tôn jakô Apômtau mata jali laŋônêŋ ŋa gebe gamêŋ, taŋ aôm ôna naŋ, aê jawiŋ ma embe jamac êndu oc jamac êndu.” <sup>22</sup> Tec kiŋ kêsôm gêdêŋ Itai gebe “Amboac tonaŋ ôsêlêŋ ômuŋ aê.” Tec ŋac Gitŋa Itai to nê lau samob ma nêŋ gôlôac saun samob, taŋ sêmoa sêwiŋ eŋ naŋ, sêsêlêŋ sêmuŋ Dawid sêja. <sup>23</sup> Ma gêdêŋ taŋ lau samob sêôc lêlêc Dawid sêja naŋ, lau samob têtanaŋ ŋanô ma kiŋ gelom bu Kidron ma lau samob sêmuŋ eŋ sepeŋ gamêŋ sawagen sêja.

<sup>24</sup> Ma Abiatar agêc Sadok sêwiŋ lau Lewit samob, taŋ sêbalaŋ Anôtônê poac ŋakatapa naŋ, sêô lasê amboac tonaŋ. Ma êsêac tetoc Anôtônê poac ŋakatapa kêkô e lau samob aŋga malac sêsa sêmêŋ. <sup>25</sup> Go kiŋ tau kêsôm gêdêŋ Sadok gebe “Ôkôc Anôtônê poac ŋakatapa êmu êsô malac kapôêŋ êna êtiam. Embe Apômtau êlic aê ênac mataanô ŋajam, go êkêŋ aê jamu jamêŋ ma jalic katapa tau to ênê gamêŋ êtiam. <sup>26</sup> Mago embe êsôm gebe ‘Aê matocanô galic aôm ŋajam atom’, go êŋgôm aê êtôm eŋ taê ênam. Aê tec gamoa.” <sup>27</sup> Go kiŋ kêsôm biŋ teŋ gêdêŋ dabuŋwaga Sadok gêwiŋ gebe “Ôlic acgom, ômu ôna malac tobiŋmalôgeŋ, amagêc Abiatar awiŋ nêŋ latômiagêc, nêŋ latôm Ahimas agêc Abiatar latu Jonatan. <sup>28</sup> Ôlic acgom, aê oc jansaê aŋga buselen, taŋ gêc gamêŋ sawa naŋ, e jatap

ɲawae tenɲ sa anɲa amacnêm.” <sup>29</sup> Amboac tonanɲ Sadok agêc Abiatar sêbalaɲ Anôtônê poac ɲakatapa sêmu sêja Jerusalem ma gacgen sêmoa tonanɲ.

<sup>30</sup> Mago Dawid jakêpi lôc Katêkwi totaniboagenɲ. Enɲ kêsêlêɲ ɲa atapa ɲaômagenɲ to gêsanɲ lanôanô auc. Ma lau samob, tanɲ sêwiɲ enɲ nanɲ, sêsanɲ lanôɲanô auc ma sêsêlêɲ sêpi sêja totaniboagenɲ amboac tonanɲenɲ. <sup>31</sup> Ma ɲawae gêdêɲ Dawid gebe “Ahitopel gêwiɲ lau sêli taunɲ sanɲa gêmoa gêwiɲ Absalom.” Go Dawid gêmôêc gebe “O Apômtau, aê jatenɲ aôm, ônam Ahitopelnê biɲ ôkwi êtu biɲ meloc.”

<sup>32</sup> Gêdêɲ tanɲ Dawid gêô lasê gamêɲ, tanɲ sêjam sakiɲ Anôtô sêmoa anɲa lôc ɲatêpôê nanɲ, nê ɲac Ark Husai gêdac enɲ. Enɲ kêkac nê ɲakwê gêɲgic ma nom gi enɲ môkêapac. <sup>33</sup> Ma Dawid kêsôm gêdêɲ enɲ gebe “Aôm embe ôwiɲ aê oc ônam aê sa êtôm atom. <sup>34</sup> Mago aôm embe ôna malac ma ôsôm êndêɲ Absalom gebe ‘O kiɲ, aê gabe jatu nêm sakiɲwaga amboac gêmunɲenɲ katu tamamnê.’ Embe ôɲgôm amboac tonanɲ, go ônam aê sa ma onsenɲ Ahitopelnê biɲ su. <sup>35</sup> Dabuɲwaga Sadok agêc Abiatar sêmoa sêwiɲ aôm. Amboac tonanɲ biɲ samob, tanɲ ôɲô anɲa kiɲnê andu nanɲ, ôndôɲ êndêɲ dabuɲwaga Sadok agêc Abiatar. <sup>36</sup> Êsêagêcnêɲ latunɲiagêc Sadok latu Ahimas agêc Abiatar latu Jonatan sêmoa sêwiɲ êsêagêc ma aôm ôsakiɲ êsêagêc tobiɲ samob, tanɲ aôm ôɲô nanɲ, dêndêɲ aê sêmêɲ.” <sup>37</sup> Tec gêdêɲ têm, tanɲ Absalom jakêsô Jerusalem nanɲ, Dawidnê ɲac Husai jagêô lasê amboac tonanɲenɲ.

### *Dawid agêc Siba*

<sup>1</sup> Gêdên tañ Dawid jakêlêlêc lôctêpôê ñagec su nañ, Mepibosetnê sakiñwaga Siba kêpuc enj têt-têt todonki luagêc ma waba. Polom 200 ma wain kwalim 100 ma kañanô 100 ma bôc ñaôlic towain tenj gêsac donki ñaô. <sup>2</sup> Ma kiñ kêtú kênac Siba gebe “Gên tonañ ñam amboac ondóc.” Go Siba gêtô enj awa gebe “Donki sênám kiñnê gôlôac sa gebe sêngôñ ñaô. Ma lau wakuc sênin polom to kañanô ma êsêac, tañ tekwenj gêbac anga gamênj sawa nañ, sênôm wain.” <sup>3</sup> Go kiñ kêtú kênac gebe “Ma nêñ nataunê latú gêmóa ondóc.” Tec Siba gêtô kiñ awa gebe “Enj gêngôñ Jerusalem gebe enj kêsôm gebe ‘Ocsalô tonec gôlôac Israel oc sêkênj tamocnê gamênj kiñña êmu êndênj aê.’” <sup>4</sup> Tec kiñ kêsôm gêdên Siba gebe “Amboac tonañ gênj samob, tañ kêtú Mepibosetnê nañ, êtu aômñem.” Ma Siba kêsôm gebe “Ñoc ñatau kiñ, aê jasô aôm ñalabu, matamanô êlic aê ñajammañ.”

### *Dawid agêc Simei*

<sup>5</sup> Gêdên tañ kiñ Dawid mêngêô lasê malac Bahurim nañ, ñac tenj anga Saulnê gôlôac, Gera latú Simei kêsá anga tonañ gêmênj gebe êpuc enj têt-têt. Enj kêsêlênj tonê ñalêlôm secgenj gêmóa ma kêpuc boa Dawid gêmóa intêna. <sup>6</sup> Dawidnê lau samob to sinjêlêc sêgi enj auc, mago Simei kêtuc Dawid to nê sakiñwaga ña poc. <sup>7</sup> Ma Simei kêpuc boa enj ma gêmôêc gebe “Ônaña, ônaña, dec kêsap aôm lêmam têt, aôm ñac alôb-alôb. <sup>8</sup> Aôm kôjanjo Saulnê gôlinj kiñña su ma kôkêc Saulnê gôlôac nêñ dec taêsam sinj. Tec Apômtau kêkênj ñagêtô kêpi aôm ma kêkênj nêñ gamênj kiñña kêsêp latôm Absalom lêma. Kec,

ñagêjô kêtap aôm, tañ lêmam siñdec nañ sa sugac.”  
<sup>9</sup> Go Seruia latu Abisai kêsôm gêdêñ kiñ gebe “Kêam  
 ñamatê tonañ oc êpuc boa êôc ñatau kiñ êtu agenña.  
 Ôsôm ma najandim eñ gêsutêkwa êngic.” <sup>10</sup> Mago  
 kiñ gêjô eñ awa gebe “Seruia latui amac, aêacnêñ  
 asageñ ñagêdô gêdêñ tañ. Eñ embe êpuc boa  
 aê gebe Apômtau kêsôm gêdêñ eñ gebe ‘Ôpuc boa  
 Dawid,’ go asa êtôm gebe êsôm gebe ‘Gôgôm tonañ  
 kêtû asageñña.’ ” <sup>11</sup> Ma Dawid kêsôm gêdêñ Abisai  
 to nê sakiñwaga samob gebe “Alicgac me, aê tauc  
 latuc kêkic ñoc biñ ma ñac Benjaminña tonañ oc  
 êngôm atom me. Andec eñ êpuc boa aêman gebe  
 Apômtau kêjatu eñ. <sup>12</sup> Oc moae Apômtau êlic aêñoc  
 gêñwapac ma êkêñ moasiñ êjô biñ kêpuc boa ocsalô  
 tonecña su.” <sup>13</sup> Amboac tonañ Dawid to nê lau  
 sêsêlêñ sêmoa intêna ma Simei kêsêlêñ gêwiñ gêmoa  
 lôcdênan, tañ kêkanôñ kiñ nañ, ma kêpuc boa eñ to  
 kêtuc eñ ña poc ma kêpalip kekop kêpi gêgôm geden  
 tôniañ gêja. <sup>14</sup> Ma kiñ tau to lau samob, tañ sêwiñ  
 eñ nañ, sêô lasê Jordan totekweñ gêbacgeñ ma anga  
 tonañ eñ kêlêwan tau.

### *Absalom gêmoa Jerusalem*

<sup>15</sup> Absalom to lau Israelnêñ ñacwaga samob sêô  
 lasê Jerusalem ma Ahitopel gêmoa gêwiñ eñ. <sup>16</sup> Ma  
 gêdêñ tañ Dawidnê ñac Ark Husai jagêô lasê gêdêñ  
 Absalom nañ, eñ awa gêôc Absalom gebe “Kiñ  
 êmoa tengeñ, kiñ êmoa tengeñ.” <sup>17</sup> Ma Absalom  
 kêsôm gêdêñ Husai gebe “Aôm têtac gêwiñ nê  
 ñac amboac tonañ me. Kêtû asageñña aôm gôwiñ  
 nê ñac gôja atom.” <sup>18</sup> Ma Husai kêsôm gêdêñ  
 Absalom gebe “Masi, aê jatu ñac, tañ Apômtau to  
 lau tonec ma ñacwaga Israel pebenj sêjaliñ eñ sa

nañ, nê gêñ ma aê jamoa jawiñ engeñ. <sup>19</sup> Ma ten êwiñ, aê janam sakiñ asa. Oc janam sakiñ ñoc ñatau latu atom me. Janam sakiñ aôm êtôm gajam sakiñ tamam.”

<sup>20</sup> Go Absalom kêsôm gêdêñ Ahitopel gebe “Ôwa sa acgom, galoc aêac danğôm asageñ.” <sup>21</sup> Ahitopel gêjô Absalom awa gebe “Aôm ôsô ôndêñ tamamnê awênê anaio, tañ gêwi êsêac siñ gebe sejop andu tau nañ ôna. Go Israel samucgeñ sêñô ñawae gebe kôkêñ taôm kôtu tamamnê ñacjo, go samob, tañ sêsap aôm tôñ nañ, tekweñ saki êsa.” <sup>22</sup> Amboac tonañ êsêac sê becobo ten kêtü Absalomña kêkô andu ñasalôm tapa-tapa ñaô. Ma Absalom kêsô gêdêñ tamanê awênê anaio ma Israel samob sêlic. <sup>23</sup> Gêdêñ ñasawa tonañ Ahitopel embe êwa biñ ten sa, nañ tetoc biñ tau sa ma sêlic amboac anğa Anôtô taunê. Dawid agêc Absalom lulugeñ tetoc Ahitopel nê biñ sa kêtôm tonañ.

## 17

### *Husai gesen Ahitopelnê biñ*

<sup>1</sup> Go Ahitopel kêsôm gêdêñ Absalom gebe “Tajaliñ lau 12,000 sa ma aê jandi ma jandaguc Dawid êndêñ êmbac tonec. <sup>2</sup> Aê oc jandac en êndêñ tañ en têkwa êmbac ma têtac ñatutuc ma jatakê en to lau samob, tañ sêwiñ en nañ sêc sêna. Aê oc janac kiñ taugen <sup>3</sup> ma jakôc lau samob sêmu dêdêñ aôm sêmên amboac awê ten gêmu gêdêñ nê akweñ gêmên. Aôm gobe ônac ñac tagengeñ ma lau samob sêmoa tobiñmalôgeñ.” <sup>4</sup> Ma biñ tau kêmoasiñ Absalom to Israel nêñ lauñanô samob.

<sup>5</sup> Go Absalom kêsôm gebe “Amôêc ñac Ark Husai amboac tonanjen ma tanjô biñ, tanjen taê gêjam nanj.” <sup>6</sup> Ma gêdên tanj Husai mêngeô lasê gêdên Absalom nanj, Absalom kêsôm gêdên enjen gebe “Ahitopel kêsôm amboac tonanjen. Aêac danjom êtôm enjen kêsôm me masi. Embe masi, go ôwa biñ tau sa.” <sup>7</sup> Go Husai kêsôm gêdên Absalom gebe “Biñ tanj Ahitopel kêsôm gêdên aôm gebe danjomña nanj, ñajam atom.” <sup>8</sup> Ma Husai kêsôm gêwiñ gebe “Aôm kôjala gebe tamam to ñacwaga, tanj sêwiñ enjen nanj, lau ñactêkwa ma êsêac têtac ñandanjen sec amboac bôclai têna tenjen, tanj gêmoea salenjen ma sêjanjo ñalatu su anja ênê nanjen. Ma biñ tenjen Aôm tamam enjen sinsêlêc lanjwa ma kêjala sinjen ñagôlinjen. Enjen oc êkênjen nê lau sêlêwanjen taunjen êndênjen êmbêc atom.” <sup>9</sup> Taêm ênam, Dawid galocjenjen oc kêsinjen tau ôkwi anja pocgêsunjen me gamênjen tenjen. Ma embe sinjen êsa ma sênac nêmlau ñagêdô êndu, go lau tanjen sênjô ñawae nanjen, oc sêsôm gebe ‘Lau taêsam tanjen têdaguc Absalom nanjen sêjanja.’ <sup>10</sup> Go ñac têtac kêpa sunja, tanjen nê ñalêlôm amboac lewe nê nanjen, oc êtu palê ma êtêc tau ñanôjenjen. Gebe Israel samucjenjen sêjala gebe aôm tamam enjen ñac sinsêlêc to êsêac, tanjen sêwiñ enjen nanjen, lau tonjaclaigenjen. <sup>11</sup> Mago biñ tanjen aê taê gajam gebe danjom nanjen, tonec gebe Israel samucjenjen anja Dan e êndênjen Berseba sêkac taunjen sa sêpi tagenjen dêndênjen aôm. Êsêac lau taêsam ñanô lasê amboac ganjac gwêcña ma aôm taômgenjen ôwê êsêac sênac sinjen. <sup>12</sup> Aêac embe tatap Dawid sa anja nê ñasawa tenjen, go aêac takôm enjen auc amboac maninjen kêsêlô kêsêp nom ma enjen tonê lau, tanjen sêmoea sêwiñ enjen nanjen, nêjen tenjen oc êwê sa atom. <sup>13</sup> Enjen embe êtainjen tau su naêlamu malac totunbôm

ten, go Israel samucgen sêkôc lêpoa sêna malac tonan ma sê malac tau êsêp gaboan to sensen su ênaña e têtap ñapoc tagenjen sa êtiam atom.” <sup>14</sup> Ma Absalom to Israelnên ñacwaga samob sêsôm gebe “Ñac Ark Husai nê bin ñajam kêlêlêc Ahitopelnê su.” Apômtau gebe ensen Absalom su, tec kêkên êsêac sêwi Ahitopelnê bin ñajam sin gêcña.

<sup>15</sup> Go Husai gêjac min bin, tan Ahitopel kêsôm gêdên Absalom to lau Israelnên kasêga ma bin, tan en tau kasôm gêdên êsêac nan, geden dabunwagaagêc Sadok agêc Abiatar. <sup>16</sup> Ma kêsôm bin tonec gêwin gebe “Asakin bin ñagaôgen êna ma asôm enden Dawid gebe êmoa buselen gamên sawaña êndên êmbêc atom. Selom bu sêna ñamaken gebe gêñwapac êtap kin to lau samob, tan semoa sêwin en nan sa atom.”

<sup>17</sup> Jonatan agêc Ahimas sêsaê sêmoa bumata Enrogel. Sakinwagao ten gêja ma kêsôm bin gêdên êsêagêc gebe êsêagêc nasêsôm ñawae êndên kin Dawid. Êsêagêc taun têtôm gebe sêsa malac tau sêna e lau sêlic êsêagêc nec atom. <sup>18</sup> Mago ñapalê ten gêlic êsêagêc, tec jagêjac min gêdên Absalom. Amboac tonan agêc sêwi gamên tonan sin ñagaôgen ma jasêo lasê ñac ten anga malac Bahurim nê andu. Ênê sê buña ten gêc nê malaclun, tec êsêagêc sêsêp sê tau ñalêlôm sêja. <sup>19</sup> Ma ñac tau nê awê jakêgadê sê awa auc ma kêta mopolom ñanô gêsac gadê ñaô e gêñ ten gêc awê atom. <sup>20</sup> Gêdên tan Absalom nê sakinwaga jasêo lasê dêdên awê tau anga andu tonan nan, êsêac têtû kênac gebe “Ahimas agêc Jonatan semoa ondoc.” Awê tau gêjô êsêac awen gebe “Êsêagêc selom bu sêja.” Ma êsêac

sesom elêmê, mago têtap êsêagêc sa atom. Tec sêmu sêja Jerusalem kêtiam.

<sup>21</sup> Sêc sêja su acgom, go êsêagêc sêpi anğa sê sêmênj kêtiam ma sêja sêkênj nğawae gêdênj kin Dawid tau. Êsêagêc sêsôm gêdênj Dawid gebe “Ôndi ma sebenj olom bu nğamakenj ôna.” Go sêjac miñ binj, tañ Ahitopel kêsôm kêtü enñja nan. <sup>22</sup> Tec Dawid to lau samob, tañ sêmoa sêwiñ enj nan, dêdi selom bu Jordan su sêwi nêñ nğac tenj sinj gêmoa nğamakenj ônêñja atom.

<sup>23</sup> Ahitopel gêlic gebe sêgôm ênê binj samob nğanô kêsa atom, tec kêmasañ nê donki ma gêc gêja taunê malacmôkê. Enj kêmasañ nê binj to gênj samob gêbacnê ma jagêbic tau êndu ma sêsuñ enj anğa tamanê sêô.

### *Dawid gêmoa malac Mahanaim*

<sup>24</sup> Go Dawid jagêô lasê Mahanaim ma Absalom to lau Israel nêñ nğacwaga samob selom bu Jordan sêja. <sup>25</sup> Absalom kêkênj Amasa kêtü sinjwaganênj nğamata gêjô Joab su. Amasa tonañ enj nğac Ismael Itra latu. Itra tau gêjam Nahas latuo Abigail. Enj Joab têna Seruia lasio. <sup>26</sup> Absalom to lau Israel sê nêñ becobo sêmoa gamênj Gilead.

<sup>27</sup> Gêdênj tañ Dawid gêô lasê Mahanaim nan, Nahas latu Sobi anğa Amon nêñ malac Raba agêc Amiel latu Makir anğa Lodebar ma nğac Gileadña Barsilai anğa Rogelim, <sup>28</sup> sêkôc mê to laclu ma ku to mopolom tokaiñ-tokaiñ ma polom sigob to gabab ma gêngaga nğagêdô. <sup>29</sup> Êsêac sêkôc lêp to nğalêsi ma su gêjac anô sêmênj gebe Dawid to lau sinñja, tañ sêmoa sêwiñ enj nan sêniñ. Êsêac sêsôm gebe



“Lau sêmoa gamêñ sawa e mo to bu gêjô êsêac ma tekwen gêbac.”

## 18

### *Absalom gêmac êndu*

<sup>1</sup> Go Dawid gêjac nê lau, tañ sêmoa sêwiñ en nan, kêsi ma kêkêñ êsêacnêñ laumata siñña ñagêdô sêjam gôliñ lau 1,000 ma ñagêdô sêjam gôliñ lau 100. <sup>2</sup> Go Dawid gêwa lau siñña kêkôc gêja toñ têlêac. Toñ ñamataña Joab gêjam gôliñ. Toñ ten Seruia latu Joab lasi Abisai gêjam gôliñ. Ma toñ ten ñac Gitña Itai gêjam gôliñ. Ma kiñ kêsôm gêdêñ lau gebe “Aê tauc oc jawiñ amac amboac tonanğen.” <sup>3</sup> Mago êsêac sêsôm gebe “Aôm ôwiñ aêac atom. Aêac embe aêc ñacjo su oc lau taêñ ênam biñ taêsam atom. Embe aêacma ñamaken sêmac êndu oc lau taêñ ênam biñ taêsam atom amboac tonanğen. Mago aôm tec kôlêlêc ma lau 10,000 su. Amboac tonanğ aôm embe ômoa malac ma ôpuc aêac toñ oc ñajam êlêlêc.” <sup>4</sup> Tec kiñ kêsôm gêdêñ êsêac gebe “Gêñ tañ amac alic ñajam nan, aê gabe jasô ñalabu.” Amboac tonanğ kiñ kêkô kêsi malac ñasacgêdô ma siñwaga samob sêsêlêñ sêsa sêja totonğ-totonğ. Toñ ñagêdô ñalau têtôm 100 ma toñ ñagêdô ñalau têtôm 1,000. <sup>5</sup> Ma kiñ kêjatu Joab agêc Abisai ma Itai gebe “Anğôm ñac wakuc Absalom saic-saicgenğ atom êtu aêña.” Ma lau samob sêñô jatu tonanğ, tañ kiñ kêkêñ gêdêñ êsêac laumata siñña samob kêtü Absalomña nan.

<sup>6</sup> Amboac tonanğ Dawidnê siñwaga sêsa awê gebe nasêndac lau Israel. Ma sêjac siñ tau kêsa anğa saleñ Epraimña. <sup>7</sup> Ma Dawid nê siñwaga sêku Israel tulu anğa tonanğ. Sêjac siñ kapôêñanô gêdêñ bêc

tonañ. Lau 20,000 sêmac êndu. <sup>8</sup> Siñ tonañ gelom gêjam gamêñ tonañ auc ma gêdêñ bêc tonañ salen kêdanğon lau taêsam kêlêlêc lau, tañ siñ gesen nan su.

<sup>9</sup> Ma Absalom kêtap Dawidnê sakinwaga sa. Absalom gêngôn nê donki ñaô ma donki tau jagêboan kêsô kamem kapôên ñalaka ñalêlôm gêja. Ma Absalom nê môkêlauñ gêjac kêsô ñalaka ma en gacgen gen kalen ma donki tau, tañ Absalom gêngôn ñaô nan, gêboan su gêc gêja. <sup>10</sup> Ñac ten gêlic gêñ tau ma kêsôm gêdêñ Joab gebe “Ôlic acgom, aê galic Absalom gen kalen kamem ñalaka.” <sup>11</sup> Joab kêsôm gêdêñ ñac, tañ kêsôm biñ tau nan gebe “Aôm gôlic en me. Kêtu asagenña gôjac en kêsêp nom gêmên atom. Aê oc jakên silber 10 êndên aôm ma ômbin kap ten êwiñ.” <sup>12</sup> Mago ñac tau kêsôm gêdêñ Joab gebe “Aê embe jatap silber 1,000 sa êsêp aê lemoc, mago oc jakên lemoc êpi kin latu atom. Gebe aêac anô kin gêjac bin su amagêc Abisai ma Itai gebe ‘Anğôm ñac wakuc Absalom saic-saicgen atom êtu aêña.’ <sup>13</sup> Ma aê embe janğôm gêñ ten kelecgen êndên en katu oc êsin tau êndên kin atom ma aôm taôm oc ônam aê kêsî atom.” <sup>14</sup> Joab kêsôm gebe” Aê gabe jajain têm jawin aôm atom.” Go en kêkôc kêm têlêac jagêgun Absalom kêsô bôdagi gêdêñ tañ en mata jaligen gen kalen kamem ñalaka nan. <sup>15</sup> Ma lau matac 10, tañ sêoc Joabnê laukasap nan, sêgi Absalom auc ma sêjac en êndu.

<sup>16</sup> Go Joab gêjac dauc kêtan ma lau sinña, tañ sêjanda Israel nan, sêwi siñ ma sêmu sêmên gebe Joab kêkô êsêac auc. <sup>17</sup> Ma êsêac sêkôc Absalomnê ñawêlêlan ma sêbalin kêsêp sê kapôên ten anğa

saleŋ ma sêboa poc tonŋ kapôêŋ tenŋ sa kêkô sê tau ŋaô. Ma lau Israel samob sêc sêja nêŋ andu gêdêŋ-gêdêŋgeŋ.

<sup>18</sup> Gêdêŋ taŋ Absalom gêmoa mata jali naŋ, eŋ kêkôc alê poc tenŋ jagêjac sa kêtu eŋ tauŋa kêkô kiŋnê gaboaŋ gebe eŋ kêsôm gebe “Aê latuc masi gebe lau taêŋ ênam aê.” Eŋ gê taunê ŋaê kêpi alê poc tonaŋ ma sêsam gêŋ tau gebe Absalomné ŋabelo e gêdêŋ ocsalô tonec.

*Sêsôm Absalom gêmac êndu ŋawae gêdêŋ Dawid*

<sup>19</sup> Go Sadok latu Ahimas kêsôm gêdêŋ Joab gebe “Ôkêŋ aê jalêti najakêŋ ŋawae êndêŋ kiŋ tau gebe Apômtau gêjam eŋ kêsi aŋga nê ŋaço nêŋ ŋaclai.”

<sup>20</sup> Ma Joab kêsôm gêdêŋ eŋ gebe “Aôm ôkôc ŋawae ôna êndêŋ ocsalô tonec atom. Moae oc ôkôc ŋawae ôna êndêŋ bêc tenŋ, mago galoc aôm ôna atom gebe kiŋ latu gêmac êndu.”

<sup>21</sup> Go Joab kêsôm gêdêŋ nê sakiŋwaga ŋac Kusŋa gebe “Ôna ôkêŋ ŋawae êndêŋ kiŋ êtu gêŋ, taŋ gôlic naŋŋa.” Ŋac Kusŋa gewec gêdêŋ Joab ma kêlêti gêja.

<sup>22</sup> Go Sadok latu Ahimas kêsôm gêdêŋ Joab kêtiam gebe “Gêŋwapac tenŋ embe êtap aê sa, go êtap samaŋ. Mago ôkêŋ aê jalêti jandaŋguc ŋac Kusŋa jana.” Ma Joab gêjô eŋ awa gebe” Ŋoc latucenec, ôlêti êtu asageŋŋa. Aôm oc ôtap ŋagêjô ŋajam tenŋ sa êtu ôkêŋ ŋawaeŋa atom.”

<sup>23</sup> Eŋ kêsôm kêtiam gebe “Gêŋwapac tenŋ embe êtap aê sa, go etap sa, mago gabe jalêti jana.” Tec Joab kêsôm gêdêŋ eŋ gebe “Ôlêtimaŋ.” Go Ahimas kêlêti kêdaguc intêna gaboaŋŋa jagêôc lêlêc ŋac Kusŋa su.

<sup>24</sup> Dawid jagêŋgôŋ tunbôm ŋasacgêdô. Ma dibwaga tau kêpi tunbôm jakêkô sacgêdô ŋasalôm ŋaô.

Enj gêôc mataanô sa e gêlic ñac tenj taugenj kêlêti gêmêj. <sup>25</sup> Ma gêmôêc to kêsôm ñawae gêdêj kinj. Ma kinj kêsôm gebe “Embe enj taugenj oc moae kêkôc ñawae ñajam gêmêj.” Ñacjaenj tau kêlêti mênkêdabinj. <sup>26</sup> Go dibwaga gêlic ñac tenj kêlêti gêmêj kêtiam. Tec enj gêmôêc binj gêdêj gejobwaga sacgêdôña gebe “Ôlic acgom, ñac tenj taugenj kêlêti gêmêj kêtiam.” Kinj kêsôm gebe “Enj kêkôc ñawae ñajam tenj amboac tonanjenj.” <sup>27</sup> Ma dibwaga kêsôm gebe “Aê galic ñac, tê kêlêti kêtû ñamata nê, amboac Sadok latu Ahimas.” Ma kinj kêsôm gebe “Enj ñac ñajam ma oc kêkôc ñawae ñajam.”

<sup>28</sup> Go Ahimas gêmôêc gêdêj kinj gebe “Gêj samob ñajamgenj.” Go enj gewec gêdêj kinj lanjôanô gêdêj nom ma kêsôm gebe “Awenj êôc Apômtau, aômnmê Anôtô, tanj kêkêj lau, tê sêôc lemenj sa gêdêj ñoc ñatau kinj nê, sêsô aôm ñalabu nanj.” <sup>29</sup> Ma kinj kêtû kênac gebe “Ñac wakuc Absalom gêmôa ñajam me masi.” Ahimas gêjô enj awa gebe “Gêdêj tanj nê laumata Joab kêsakinj nê sakinjwaga aê nanj, aê galic lau taêsam sêjac seso tauj, mago gajam kauc ñam.” <sup>30</sup> Ma kinj kêsôm gebe “Mênjôkô tonec.” Amboac tonanj enj kêkac tau ôkwi ma kêkô ñanjenj.

<sup>31</sup> Go ñac Kusña mênjgêô lasê ma kêsôm gebe “Ñawae ñajam kêtû ñoc ñatau kinjña. Ocsalô tonec Apômtau kakêj lau, tanj sêli tauj sa gêdêj aôm nanj, sêsô aôm ñalabu.” <sup>32</sup> Kinj tau kêsôm gêdêj ñac Kusña gebe “Ñac wakuc Absalom gêmôa ñajam me masi.” Ma ñac Kusña gêjô enj awa gebe “O ñoc ñatau kinj, aê gabe nê ñacjo samob to lau samob, tanj sêli tauj sa gêdêj aôm nanj, oc tatôm ñac wakuc tonanjenj.” <sup>33</sup> Kinj tau atê gêmô enj ma kêpi balêm, tanj gêc malac

ņasacgêdô ñaô nan, gêja ma kêtañ gebe “O ñoc latuc Absalom, latucenec Absalom. Jamac jajô aômman. O ñoc latuc Absalom, ñoc gêñenec.”

## 19

### *Joab kêsôm Dawid*

<sup>1</sup> Go sêkên ñawae gêdên Joab gebe “Ôlic acgom, kin kêtañ tañiboa kêtú Absalomña.” <sup>2</sup> Amboac tonañ gêdên bêc tonañ bin sêku ñacjo tuluña tau gêjam tau ôkwi kêtú tañiboa gêdên lau samob gebe lau sênô ñawae gebe kin kêtañ tañiboa kêtú latuña. <sup>3</sup> Gêdên bêc tonañ lau sinña sêsa malac sêmên kelecgen sêgôm amboac lau, tañ majen kêtú têtaiñ tañ su anja sinña nan. <sup>4</sup> Kin gêsañ lañôanô auc ma kêtañ toawa-toawa gebe “O latuc Absalom, o Absalom latucenec, o gêñenec.”

<sup>5</sup> Go Joab kêsô andu gêdên kin gêja ma kêsôm gebe “Ocsalô tonec aôm gôgôm nêm sakinwaga samob, tañ sêjam aôm to nêm latômio to ñac ma nêm lauo to anenjo kêsí amoa matem jali nan, majen kêsá. <sup>6</sup> Aôm têtac gêwiñ êsêac, tañ têtac sec gêdên aôm nan, ma têtac gedec êsêac, tañ têtac gêwiñ aôm nan. Ocsalô tonec aôm gôwa taôm sa gebe gôlic lau sinsêlêc to nêm sakinwaga samob amboac gêñ ñaôma. Galoc aê kajala gebe Absalom embe êmoa mata jali ma aêac samob amac êndu, go ôlic ñajam. <sup>7</sup> Amboac tonañ galoc ôndi sa naôsôm bin ñajam teñ êndên nêm sakinwaga. Embe masi, go aê jatôc lemoc jakô Apômtau lañônêm gebe êndên êmbêc tonec ñac teñ oc êmoa êwiñ aôm atomanô. Bin tonañ oc êtu bin sec êlêlêc bin samob, tañ kêtap aôm sa gêdên aôm ñapalêgen e mêngeñdên galoc nan

su.” <sup>8</sup> Go kiñ gêdi sa jagêngôn malac ñasacgêdô. Ma ñawae gêdên lau samob gebe “Alic acgom, kiñ gêngôn malac ñasacgêdô” ma lau samob sêsa dêdên eñ.

### *Dawid gêmu gêja Jerusalem*

Gêdên ñasawa tonañ Israelnên lau samob sêc dêdên taunên andu gêdên-gêdêngeñ sêja. <sup>9</sup> Ma lau samob sêoc gêdô taun gêdên-gêdêngeñ kêtôm Israelnên gôlôacmôkêgeñ ma sêsôm gebe “Kiñ gêjam aêac kêsi anga aêacnên ñacjo lemeñ ma gêjam aêac sa anga lau Pilisti lemeñ. Ma galoc eñ gêwi gamên siñ ma gêc gêja kêtû Absalomña. <sup>10</sup> Ma Absalom, tañ aêac taen oso eñ nañ, siñ gesen eñ su. Ma amboac ondoc amac ajam taôm tôn ma asôm biñ teñ gebe akôc kiñ tau êmu êmênña atom.”

<sup>11</sup> Kiñ Dawid gênô lau Israel sêmasañ biñ kêtû enña ñawae, tec kêsakiñ biñ gêdên dabunwagaagêc Sadok agêc Abiatar gebe “Asôm êndên lau Juda nêñ laumata gebe ‘Amboac ondoc, tec amac amasañ biñ kêtû akôc kiñ êmu êwac nê anduña kêtû ñamu nec. <sup>12</sup> Aênoc lasitêwai amac, ñoc ñatêkwa to ñoc ñamêsôm amac. Amboac ondoc tec abe akôc kiñ êmu êwac êtu ñamugeñ nec.’ <sup>13</sup> Ma asôm êndên Amasa gebe ‘Ñoc ñatêkwa to ñoc ñamêsôm aôm atom me. Aê embe jakên aôm ôtu ñoc siñwaga nêñ laumata ôjô Joab su atom oc Anôtô ensen aê su janaña.’” <sup>14</sup> Ma eñ gêjam lau Juda samob nêñ ñalêlôm ôkwi e têntac tageñ ma sêsakiñ biñ gêdên kiñ gebe “Aôm to nêñ sakiñwaga samob amu amên.” <sup>15</sup> Amboac tonañ kiñ tau gêmu gêmên bu Jordan ma lau Juda sêpuc kiñ tôn-tôn sêmên Gilgal sebe sêkôc kiñ tau elom bu Jordan ñamakeñ êmên.

16 Ma ñac Benjaminña Gera latu Simei ança Bahurim kêsêp ñagaôgeñ gêmêñ gêwiñ lau Judaña gebe êpuc kiñ Dawid tòn-tôn amboac tonanğen. 17 Ma lau Benjaminña 1,000 sêwiñ eñ. Ma Saulnê gôlôacnêñ sakiñwaga Siba to latui 15 ma nê sakiñwaga 20 sêlêti sêsêp jasêo lasê bu Jordan sêmuñ kiñ. 18 Ma êsêac selom buselenğ tau sebe sêkôc kiñnê gôlôac sêmêñ ñamakenğ ma sebe sêngôm gêñ, tañ kiñ êlic êmoasiñ eñ nañ. Ma gêdêñ tañ kiñ gebe elom bu Jordan tau nañ, Gera latu Simei gêu tau gec eñ lañônêmña 19 ma kêsôm gêdêñ eñ gebe “O ñoc ñatau, taêm ênam biñ, tañ nêm sakiñwaga aê gagôm keso gêdêñ bêc, tañ gôwi Jerusalem siñ nañ, ma ôlic aê sec atom. O kiñ, ôê biñ tau tòn ênêc nêm ñalêlôm atom. 20 Nêm sakiñwaga aê kajala gebe gagôm keso. Mago galoc ôlic acgom, aê tec kasêp gamêñ katu Josepnê gôlôac nêñ ñac ñamataña gebe japuc ñoc ñatau kiñ aôm tòn-tôn.” 21 Go Seruia latu Abisai gêoc awa sa ma kêsôm gebe “Simei êmac êndu êtu kêpuc boa ñac, tañ Apômtau geñ oso eñ nañña atom me.” 22 Mago Dawid kêsôm gebe “Seruia latui amac, aêacnêñ asagenğ ñagêdô gêdêñ tañ, tec ocsalô tonec amac alêtôm aê. Ñac teñ oc êmac êndu ança Israel ocsalô tonec me. Aê kajala gebe katu kiñ Israelña gêdêñ ocsalô tonec.” 23 Ma kiñ kêtôc lêma ma kêsôm gêdêñ Simei gebe “Aôm oc ômac êndu atom.”

24 Ma Saul dêbu Mepiboset kêsêp gêmêñ gebe êndac kiñ tau. Eñ kêkwasiñ akaiñ to kêkapiñ nê êm ma kêkwasiñ nê ñakwê atomanô gêdêñ tañ kiñ gêwi gamêñ siñ nañ, e gêmu gêmêñ toôli samucgen kêtiam. 25 Gêdêñ tañ Mepiboset ança Jerusalem

mêngêô lasê gebe êndac kiñ nan, kiñ tau kêsôm gêdêñ enj gebe “Mepiboset, kêtú asagenña aôm gôwiñ aê gôja atom.” <sup>26</sup> Enj gêjô enj awa gebe” O ñoc ñatau ma ñoc kiñ, aê ñac puliñ. Aê kasôm gêdêñ ñoc sakiñwaga gebe êmansañ donki tenj êtu aêña gebe janğôn ñaô ma jawiñ kiñ jana. Mago ñoc sakiñwaga kêsau aê. <sup>27</sup> Enj kêgôliñ biñ kêpi nêñ sakiñwaga aê gêdêñ ñoc ñatau kiñ. Mago ñoc ñatau kiñ kêtôm Anôtônê anjela. Amboac tonañ ôngôm gên, tanj aôm gôlic ñajam nan. <sup>28</sup> Gebe ñoc ñatau kiñ gêlic tamocnê gôlôac samucgenj amboac lau gêbac jagêdêñ, mago aôm kôkêñ nêñ sakiñwaga aê ganğônj êsêac, tanj senj gên anja nêñ tebo nan ñalêlôm. Aêñoc biñ ñajam ondoc gêc gebe jatenj êndêñ kiñ.” <sup>29</sup> Ma kiñ kêsôm gêdêñ enj gebe “Ôsôm biñ taêsam êwiñ êtu asagenña. Aê kasôm biñ kêtú tônj gebe Amagêc Siba awa nomlênsêñ êkôc.” <sup>30</sup> Ma Mepiboset kêsôm gêdêñ kiñ gebe “Ñoc ñatau kiñ gêmu gêmêñ toôli samucgenj, tec Siba êkôc gên taumanj.”

<sup>31</sup> Ñac Gileadña Basilai kêsêp anja Rogelim gêmêñ ma kêsêlêñ gawiñ kiñ e jasêô lasê bu Jordan gebe êkêñ enj elom êna ñamakenj. <sup>32</sup> Basilai kêtú ñamalacanô su, ênê jala kêtú 80. Enj gêjam kiñ tau sa ña genj taniñña gêdêñ ñasawa, tanj enj gêmôa Mahanaim gebe enj ñac tolêlôm ñanô tenj. <sup>33</sup> Ma kiñ kêsôm gedenj Basilai gebe “Ômôênj ôngônj Jerusalem ôwiñ aê ma aê jamoasiñ aôm anja tônê.” <sup>34</sup> Mago Basilai kêsôm gedenj kiñ gebe “Aêñoc jala jamoa matoc jaliña tendocgenj gêc, tec jawiñ kiñ japi Jerusalem jana. <sup>35</sup> Ocsalô tonec aêñoc jala kêtú 80. Aê katôm gebe jansaê ñajam to sec me. Aê katôm gebe jansaê gên, tanj janiñ me janôm nan



me. Aê katôm gebe janô lau awen sênam wêña me. Êtu asagenña nê m sakinwaga wacêtu gêñwapac ten êndên ñoc ñatau kin êwiñ. <sup>36</sup> Nê m sakinwaga gebe êsêlên êwiñ kin dambêgen e êndên Jordan ñamaken. Kin êmoasin aê amboac tonan êtu asagenña. <sup>37</sup> Aê jaten aôm gebe ôkên nê m sakinwaga êmu êna gebe jamac êndu anga taucñoc malacmôkê ma anga tamoc agêc tinoc nên sêo ñagala. Nê m sakinwaga Kimham tec gêmoa. Ôkên en êsêlên êwiñ ñoc ñatau kin tau ma ôngôm gêñ, tan gôlic ñajamgen nan, êndên en.” <sup>38</sup> Ma kin gêjô en awa gebe “Kimham êwiñ aê êna ma aê oc janngôm gêñ, tan aôm ôlic ñajam nan, êndên en ma janngôm gêñ samob, tan aôm oten nan, amboac tonanjen.” <sup>39</sup> Go lau samob selom bu Jordan ma kin gelom amboac tonanjen. Ma kin kêlêsoþ Basilai alianô ma gêjam mec en ma Basilai gêmu gêja taunê malac. <sup>40</sup> Kin tau gêja Gilgal ma Kimham gêwiñ en. Ma lau Juda samob to lau Israel ñamaken amboac tonanjen sejon kin sêmoa intêna.

<sup>41</sup> Go lau Israel samob dêdên kin sêja ma sêsôm gêdên en gebe “O kin, kêt u asagenña aêacnên lasitêwai Judan sêjam genjen aôm ma sêkôc aôm to nê m gôlôac ma nê m lau samob amên Jordan ñamaken tonecña.” <sup>42</sup> Lau Judan sêjô lau Israel awen gebe “Kin kêt u aêacma ñagêdô ten. Kêt u asagenña amac têtac ñandan kêt u bin tonanña. Aêac aen kinên gêñ ten me. Me en kêkên gêñ ten ñaômagen gêdên aêac me.” <sup>43</sup> Ma lau Israel sêjô lau Juda nên bin gebe “Aêac awê kain kin Dawid alêlêc amac su gebe aêac lau Israel ma gôlôacmôkê 10. Kêt u asagenña amac alic aêac sec. Aêac asôm bin gebe akôc aêacnên kin amu amênña kêt u ñamata

atom me.” Mago lau Juda awenɲ njaɲa këlêlêc lau Israel nêɲ su.

20:1–21:22 Dawid kêtap gêɲwapac tokainɲ-tokainɲ sa. Lau Israel ɲagêdô sêli tauɲ sa, nê wakuc sêlênsônɲ tauɲ, tôbôm kêsa ma nê ɲacjo sêjac sinɲ gêdêɲ eɲ. Mago gêɲwapac samob tonanɲ ɲai kêku Dawid tulu atom.

## 22

### *Dawidnê wê danɲeɲa*

<sup>1</sup> Dawid gêga wê tonec gêdêɲ Apômtau, gêdêɲ bêc, taɲ Apômtau gêjam eɲ sa aɲga nê ɲacjo samob lemeɲ to aɲga Saul lêma naɲ. <sup>2</sup> Eɲ kêsôm gebe “Apômtau kêtú ɲoc lamuanô to ɲoc tunɲtêna ma ɲoc gêjam-sawaga.

<sup>3</sup> Aêɲoc Anôtô kêtú ɲoc lôm, taɲ gaê lamu naɲ. Eɲ kêtú ɲoc lautuc ma ɲoc moasinɲ ɲabulakôp. Eɲ kêtú ɲoc lêmôp to ɲoc lômlabu ma ɲoc kêsiwaga, taɲ gêjam aê sa aɲga gêɲ saic-saic naɲ.

<sup>4</sup> Aê aoc gêjac Apômtau, taɲ talanem eɲ naɲ, ma eɲ gêjam aê kêsi aɲga ɲoc ɲacjonêɲ.

<sup>5</sup> “Gebe gêmacanô ɲadembom gênôm aê auc to gêɲ gebe enseɲ aêɲa ɲasamac kêtakê aê.

<sup>6</sup> Lamboam ɲalêpoa gêsô aê tôɲ gêmacanô gêwa lakô aê.

<sup>7</sup> Gamo a katuc uɲ tagenɲ ma aoc gêjac Apômtau ma gamôêc gêdêɲ ɲoc Anôtô gebe ênam aê sa. Eɲ gêɲgônɲ nê gamêɲ dabuɲ ma gêɲô ɲoc môêc ma gê taɲa aêɲoc taɲiboa, taɲ katanɲ gêdêɲ eɲ naɲ.

<sup>8</sup> “Go nom wiwic to kôtêɲ-kôtêɲgeɲ, undambê ɲataonɲ kêtêɲêp e kôjô-kôjôgeɲ

gebe eņ têtac ęandan ęêsa ęanô.

<sup>9</sup> Jadauņ ęêsa eņ lususuņ to ja ęawaô ęêsa eņ awasuņ

ma ęalana ęamôsi kêpêlan ęęa ênê ęêsa ęêja-ęêja.

<sup>10</sup> Eņ kêwê undambê sêlilib kêsêp ęêmêņ.

Tao ęamajaņ ęêc eņ akaiņ ęalabu.

<sup>11</sup> Eņ ęêlôb ęêņgôņ kerub ęaô.

Eņ ęêņgôņ mu ęamagê ęaô ma ęêlôb wip tageņ.

<sup>12</sup> Eņ kêkêņ ęêsuņbôm kêtu nê becobo.

Kom ęamajaņ to tao tokatap-tokatap kêkôm eņ auc.

<sup>13-14</sup> ęalana ęamôsi kêpêlan ęêsa

ęęa ęawasi, taņ ęêmuņ eņ naņ.

“Apômtau kêkêņ nê wapap ęêjac ęęa undambê.

Ma Lôlôc ęatau kêkêņ nê awa ęêsa.

<sup>15</sup> Eņ kêpê nê sôb ma kêpalip nê ęacjo êliņ-êliņ.

Ôsic kêtakê êsêac sêc ęôliņ-ęôliņeņ.

<sup>16</sup> Gwêc ęagêdimbob ęêôc tau sa kêtu awê

ma nom ęataoņ kêwaka tau sa.

Gebe Apômtau ęêjam wambaņ

ma ęawajaô ęêsa eņ lususuņ.

<sup>17</sup> “Eņ kêmêtôc lêma ęęa lôlôc mêņkêkam aê tôn  
ma ęê aê sa ęęa ęasamac kapôêņ ęalêlôm.

<sup>18</sup> Eņ kêjaņgo aê su ęęa ęoc ęacjo ęaclai nê  
to ęęa ęoc gobi, taņ nêņ ęaclai kêkôm aê auc naņ  
nêņ.

<sup>19</sup> Êsêac sebo sêsa dêdêņ aê ęêdêņ ęoc bêc ęawapacņa,  
mago Apômtau kêpuc aê tôn.

<sup>20</sup> Eņ kêkam aê sa jakakô gamêņ kwalam.

Eņ ęêsaic aê sa kasa gaja gebe eņ têtac ęêwiņ aêgac.

<sup>21</sup> “Apômtau kêmoasiņ aê kêtôm laņôcnêm sawaņa.

En gêjam aê sa kêtôm lemoc selecņa.

22 Gebe aê kasa Apômtaunê lêņ ɲapep  
ma kakac tauc su aņga ɲoc Anôtônê ɲaucɲagen  
atom.

23 Ênê biņgêdêņ samob kêkô aê laņôcnêm  
ma gajam dêmôêc ênê biņsu atom.

24 Aê kasa ɲoc lêņ ɲapep e eņ gêlic aê ɲajam.  
Ma gajob tauc ɲapep gêdêņ gêņ sec.

25 Amboac tonañ Apômtau kêmoasiņ aê kêtu gamoa  
ɲaņêņņa,  
kêtu ɲoc ɲalêlôm selec gamoa eņ laņônêmņa.

26 “Aôm gôwa taôm sa gêdêņ ɲac ɲajam gebe aôm ɲac  
gabêjam,  
gêdêņ ɲac laņônêm sawaņa gebe aôm taôm ɲac  
laņônêm sawa.

27 Aôm gôwa taôm sa gadêņ ɲac mansaņ gebe aôm  
taôm mansaņ  
mago gêdêņ keso-keso, tec kôtôc taôm amboac kair  
teņ.

28 Aôm gôjam lau, taņ sêkôniņ taun ɲaņ sa  
ma kôkôniņ lau, taņ tetoc taun sa ɲaņ.

29 Biņņaņô, o Apômtau, aôm kôtu ɲoc ja.  
ɲoc Anôtô kêpô ɲoc ɲakesec ɲawê kêsa.

30 Biņņaņô, aôm embe ôwiņ aê oc janac lausiņ  
popoc  
ma ɲoc Anôtô embe êwiņ aê oc jamboañ jaņgêli nêņ  
tuņbôm.

31 Anôtô tonañ tec gêjam gôliņ gêņ samob toma-  
lagen.

Biņ taņ Apômtau gêjac mata ɲaņ, kêtu anô.

Eņ kêtu lau samob, taņ sê lamu eņ ɲaņ, nêņ lautuc.

32 “Apômtau taugen en Anôtô.

Ma aêacnêñ Anôtô taugen en lamu ñanô.

33 Anôtô tau tonañ kêtú ñoc lamu ñajaña tau to kêmasañ ñoc intêna gebe jasa toôlic samucgen.

34 En gêgôm ñoc ockaiñ kêtôm mojava nê.

En ketoc aê kakô lôc ñamoatêc ñaô toôlic samucgen.

35 En kêdôñ lemoc siñña tec lemoc jakêkam talam ñamadi.

36 Aôm kôkêñ lautuc ênam aê kêsiña.

Aômnêm moasiñ ketoc aê sa.

37 Aôm kômasañ intêna ñasawa kapôêñ gebe jasa ma japô ocgêsu ôkwi atom.

38 Aê kajanda ñoc ñacjo e gasen êsêac su ma kakac tauc ôkwi atom e êsêac sêjaña.

39 Aê gajac êsêac piñpañ ma sebe sêndi e sêgôm jageo.

Ac sêc ockaiñ ñalabu.

40 Aôm kôjandiñ aê ña ñaclai gebe janac siñ ñanô.

Aôm kôkôniñ ñoc ñacjo sêmoa aê ñalabu.

41 Aôm kôpuc ñoc ñacjo sa tec sêc aê e gasen êsêac samob, tañ têtac sec gêdêñ aê nañ su.

42 Êsêac sesom nêñ gêjam sa ten, mago ten gajam sa atom.

Êsêac sêmôêc gêdêñ Apômtau, mago en gêjô êsêac awen atom.

43 Aê kalêsa êsêac e têtôm nom ñakekop.

Aê kaka êsêac tônia kêtôm kaka lêsap anga intêna.

44 “Aôm gôjam aê sa anga siñ tomôkê-tomôkê e kôkêñ aê katu lausamucnêñ gôliñwaga.

Lau tañ kajala êsêac atom nañ, sêjam sakin aê.

45 Lau jaba sewec dêdêñ aê.

Aê embe jakac aocsuŋ sa jamoa ma oc taŋeŋ wamu êndêŋ aê.

<sup>46</sup> Lau jaba latuŋi katuŋ gêjaŋa ma sêsuŋ tauŋ têtênêp-têtênêpgeŋ sêsa aŋga nêŋ tuŋbôm sêmêŋ.

<sup>47</sup> “Apômtau gêmoa mata jali. Aê aoc êôc ŋoc lamu. Aê jatoc ŋoc ŋacmoasiŋ Anôtô sa.

<sup>48</sup> Anôtô tau tec kêpuc aê tôŋ e kakac ŋoc kamocgôc. Eŋ kêkônîŋ malac-malac tôŋ sêsô aê ŋalabu.

<sup>49</sup> Ma eŋ gêjam aê kêsi gêdêŋ ŋoc ŋacjo. Aôm kotoc aê sa kêlêlêc ŋoc soŋo-soŋo, ma gôjam aê sa aŋga lau ŋaclai nêŋ.

<sup>50</sup> “O Apômtau, kêtû tonanŋa aê gabe jalambiŋ aôm jamoa lausamuc ŋalêlôm ma janam wê lanemŋa êpi nêŋ ŋaê.

<sup>51</sup> Aôm tonan kotoc nêŋ kiŋ sa ŋanô ma kôtoc nêŋ têtac gêwiŋ teŋgeŋŋa gêdêŋ ŋac, taŋ seŋ oso eŋ nan, gêdêŋ Dawid to nê wakuc gedêŋ tôŋgeŋ.”

## 23

### *Dawidnê awamu*

<sup>1</sup> Biŋ tonêc kêtû Dawidnê awamu “Isai latu Dawid kêsôm biŋ.

Ŋac taŋ tetoc eŋ sa nan, kêsôm biŋ. Jakobnê Anôtô nê ŋac seŋ oso eŋŋa.

Ŋac gêga Israelnê wê ŋajamwaga.

<sup>2</sup> “Apômtaunê Ŋalau kêsôm biŋ kêsa aê aoc, ma ênê biŋ gêc aê imbeloc.

<sup>3</sup> Israelnêŋ Anôtô kêsôm biŋ. Israelnêŋ lamu kêsôm biŋ gêdêŋ aê.

Nac tañ kêtêc Anôtô  
 ma gêjam gôliñ ñamalac ñañêngen nañ,  
 4 kêpô êsêac kêtôm ñawê bêbêcgenña,  
 kêtôm oc, tañ kêpi tonagêlôm masi nañ, ma gêgôm  
 gêgwan, tañ kom gêjac nañ kêpuc.

5 Aênjoc gôlôac sêmoa sêwiñ Anôtô  
 gebe eñ kêmoatiñ poac tenjenña tenj gêwiñ aê ma  
 kêmasañ gêñ samob ñapep ma ênêc tenjen,  
 gebe eñ oc êkêñ aê gebe jamoa ñajam  
 ma gêñ tañ ñoc ñalêlôm têtac gêwiñ nañ, eñ êngôm  
 esewec.

6 Mago lau, tañ sêmoa jaêc Anôtô nañ, têtôm gêñ  
 têkwa-têkwa,  
 tañ tambaliñ siñ nañ, gebe tatôm gebe takôc ña  
 lemeñ atom.

7 Mago ñac tañ gebe ejoñ gêñ tau sa nañ,  
 êkôc siñ to kêm ñadambê ma ja êniñ gêñ tau êmbacnê  
 samucgen.”

23:8–24:25 Dawidnê siñsêlêc lanğwa towae nêñ  
 ñaê kêsêp ñasêbu tonec. Dawid kêsa nê lau sa, mago  
 Anôtô gêlic ñajam atom, tec kêkêñ gêmac sec kêtap  
 lau Israel sa. Kêtu ñamu Anôtô taê walô nê lau  
 kêtiam ma kêkôc gêmac sec tau su.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb